

劉繼莊先生廣陽雜記

# 廣陽雜記

廣陽雜記皆寫本流傳亦不甚多光緒甲申潘文勤始刊於功  
順堂頗有舛訛此本乃吾友周季旼太守同治初所鈔校看端  
朱筆及每冊後題記皆其手迹也太守官閑以公密官或坐監  
累歲不解讀書數萬卷悉歸吳縣蔣香生鎮花館蔣死  
遂分散吳越間是書偶有墨筆抄本即其人也太守中  
州名家兄弟俱負時譽世稱五周先生太守尤多簡博涉熟於  
朝章掌故工詩善評年七十歿於蘇州遺著今在其外孫  
冒禮亭處康中可見其家法隆重也友叔駒亟買一冊歸

五月二十六日

管氏德來移

存于子房錄

劉處士墓表 大興王源長經居業堂之集

劉處士諱獻廷字繼莊別號廣陽子大興人生

子七

月年四十有八卒於吳興妻張氏合葬於吳之

山祖

口父鑛為名醫母張氏吳氏相傳其先為吳人曾祖以上

俱無考自述處士穎悟絕人博覽負大志不仕不肯為同

章之學年十九親歿挈家而南隱於吳初吳有高僧說法

士人駭金從之講法華處士聞之與焉坐食頃伏几而聽

僧說罷處士勃亦罷明日復往如故眾竊笑僧詫曰客何

為者呼與語則大驚拜伏地曰公神人也振登座處士夷

然登座不讓暢行厥旨眾大悅僧率眾蒲伏願為弟子處

士笑曰吾正若誤耳豈為浮屠學者哉拂衣去由是從游

者日眾嘗謂學者曰聖人謂人為天地之心人渺焉爾且

眾胡為天地之心嘗學易而得其說乾也坤也初交而生

風雷無形也、水火次之、形而虛、山澤又次之、實矣、由是草木生焉、鳥獸育焉、草木鳥獸不己章乎、未竟也、草木不實、則草木之生未竟、而草木熄、天不生人、則天之生未竟、而天地之生熄、人者天地之實也、故曰人為天地之心、身直心哉、心、心爾、所謂仁也、天地不能為者、人為之、剝復否泰存乎運、而轉移之者、心、人苟不能斡旋氣運、徒以其知能為一身家之謀、則不得謂之人、何足為天地之心哉、故處士生平志在利濟天下、後世造就人才、而身家非所計、其挈家而南也、尚有貲數千金、以交游濟危難散去、鄰舍一女子許字夫貧流於外、母將改聘之、女誓不從、處士聞之惻然、時僅餘藥肆一廛、立鬻金尋其夫、贈使婚娶而家益貧、久之西南大亂、民惶惑不聊生、處士乃入洞庭山、學益力、亂定、妻張氏旋卒、於是慨然欲徧歷九州、覽其山川形

勢訪遺佚、交其豪傑、博采輶事、以益廣其見聞、而質證其所學、初故尚書徐健菴、及其弟故大學士立齋兩先生、聘之不就、至是歸里、將付其子、變於其兄御史賓廷、徐又聘之、不就、而予以脩明史、亦館於徐、與處士道同志、合日討論天地陰陽之理、伯王大略、兵法、文章、典制、古今興亡之故、方域要害、近代人才、邪正、其意見之同、猶聲赴響、而處士於禮樂象緯、醫藥、書數、法律、農桑、火攻、器製、傍通博考、浩浩無涯、溪嘗從容謂余曰、吾志若不就、他無所願、但願先子死耳、予驚問、次曰、吾生平知己、舍子其誰、得子為吾傳、以傳、復何恨哉、嗚呼、生死無關於天下、不足為天下士、即為天下士、不能與古人爭雄長、亦不足為千古之士、若處士者、其生、其死、固世運消長所關、而上下千百年中、不數見之人也、顧留京師四年、有奇遇、而訖不見用、庚午復

至吳遂南游衡嶽周而歸方謀與同志結茅著書終老乃不  
一年死矣處士為人良易負絕世之學而虛衷常自下誨人  
博博不倦其少也讀書每竟夜不卧父母禁不予膏火則然  
香代之因眇一目又折其左股落落攝敝衣冠蹣跚風塵中  
人無敢易之者蓋其心廓然大公以天下為己任使得志  
行乎時建立當不在三代下而竟湛然齋志以死也豈不  
悲乎死之日門弟子哀號擗踊行路咨嗟涕洟予在京聞  
之召其子要於天津與友人飲金為位哭之而使妻奔喪  
於吳為之表其墓嗚呼處士之心天地所以不熄之心也  
古聖賢以其心傳於後而古聖賢未嘗死天下有以處士  
之心為心者處士又豈死哉後之覽者尚其有感而興焉  
洪去無曰處士之志甚大其規模甚偉學博而識高而要  
歸於有用真千百年不數見之人乃年未五十忽焉長逝  
實吾道之不幸也嗚哉其與處相契之深益非他人所  
及知哉非我處不能為此文非此文不足以傳處士也

音陰陽即上下二平共十聲而不歷喉唇舌齒唇之七位故有橫轉無直送則等韻重疊之失去矣次定喉音四為諸韻之宗而後知秦西蠟頂話女直國書梵音尚有未精者以四者為正喉音而從此得半音轉音伏音送音變喉音又以二鼻音分配之一為東北韻宗一為西南韻宗八韻立而四海之音一齊於是以喉音互相合凡得音十七喉音與鼻音互相合凡得音十又以有餘不盡者三合之凡得音五共三十二音為韻父而韻歷二十一位為韻母橫轉各有五子而萬有不齊之聲攝於此矣嘗聞康甲夫家有紅毛文字惜不得觀之以合秦西蠟頂語之異同又欲譜四方土音以窮宇宙元音之變乃取新韻譜為主而以四方土音填之逢人便可印正蓋繼莊是書多得之大荒

以外者。囊括浩博。學者驟見。而或未能通也。其論向來方輿之書。大抵詳於人事。而天地之故。概未有聞。當於疆場之前。別添數則。先以諸方之北極出地為主。定簡平儀之度制。為正切線表。而氣節之後。先日蝕之分秒。五星之凌犯。占驗皆可推矣。諸方七十二候。各各不同。如嶺南之梅。十月已開。桃李臘月已開。而吳下梅。開於驚蟄。桃李開於清明。相去若此之殊。今世所傳七十二候。本諸月令。乃七國時中原之氣候。今之中原。已與七國之中原不合。則歷差為之。今於南北諸方。細考其氣候。取其核者。詳載之。為一則。傳之後世。則天地相應之變遷。可以求其微矣。燕京吳下水。皆東南流。故必東南風而後雨。衡湘水北流。故必北風而後雨。諸方山水之向背分合。皆當按籍而列之。而



風土之剛柔、暨陰陽燥濕之微、又可次第而求矣。諸方有土音、又有俚音、蓋五行氣運所宣之不同、各譜之爲一、則合之土產、則諸方人民性情風俗之微、皆可推而見矣。此固非一人所能爲、但發其凡而分觀其成、良亦古今未有之奇也。其論水利、謂西北乃二帝三王之舊都、二千餘年未聞仰給於東南、河則溝洫通而水利修也、自劉石雲擾、以訖金元、千有餘年、人皆草草偷生、不暇遠慮、相習成風、不知水利爲何事。故西北非無水也、有水而不能用也、不爲民利、乃爲民害。旱則赤地千里、潦則漂沒民居、無地可潛、無道可行。人固無如水何、水亦無如人何。虞學士始奮然言之、郭大史始毅然行之、未幾竟廢。三百年無遇而問者、有聖人者出、經理天下、必自西北水利始。水利興而後

足食教化可施也西北水利莫詳於水經鄴注雖時移勢易十  
猶可得其六七鄴氏略於東南人以此少之不知水道之當詳  
正在西北欲取二十一史關於水利農田戰守者各詳考其所  
以附以諸家之說以爲疏以爲異日施行者之攷證也又言朱  
子綱目非其親筆故多迂而不切而關係甚重者反遺之當別  
作紀年一書凡繼莊所撰著其運量皆非一人一時所能成故  
雖言之甚殷而難於畢業是亦其好大之疵也又言聖王之治  
天下自宗法始無宗法天下不可得治宜特爲一書以發明之  
是則儒者之至言而惜其書亦未就予之知繼莊也以先君先  
君之知繼莊也以萬氏及余出遊於世而繼莊同志如梁質人  
王崧繩皆前死不得見即其高弟黃宗夏亦不得見故不特繼

莊之書無從蹤迹而逢人問其生平類杳無知者因思當是時安漢李膺學最留心音韻之學自謂窮幽探微而絕口不道繼莊與修齡咄咄恠事絕不可曉何況今日去之六七十年以後口口并其出處本末而莫之詳益可傷矣近者吳江徵士沈彤獨為繼莊立傳蓋繼莊僑居吳江之壽聖院最久沈皆從之遊及其子死無後即以沈氏子為後然其所後子今亦亡矣故彤所為傳亦不甚詳若其謂繼莊卒年四十八亦恐非也繼莊弱冠居吳歷三十年又之楚之燕卒死於吳在壬申以後則其年多矣蓋其人蹤迹非尋常遊士所厯故似有所諱而不令人知彤蓋得之家庾諸老之傳以為博物者流而未知其人不則雖拂其人之不凡而終未能悉其生平行事乃即據廣

得

陽雜記出於宋夏所輯者畧求得其讀書著書之概因爲撮拾而傳之以俟異日更有所聞而續序之

予又嘗聞之萬先生與繼莊共在徐尚書邸中萬先生終朝危坐觀書或瞑目靜坐而繼莊好遊每日必出或兼旬不返歸而以其所歷告之萬先生萬先生亦以其所讀書證之語畢後出故都下求見此二人者復侍萬先生爲多而繼莊以遊軍所接時萬先生與繼莊各以館脯所入抄史館必書連亮接架尚書既去官繼莊亦返吳而萬先生爲明史館所留繼莊謂曰不如與我歸共成所欲著之書萬先生諾之然不果繼莊返吳不久而卒其書星散及萬先生卒於京其書亦無存者繼莊平生講學之友嚴事者曰梁穀頤曰滋衡山王

而農而尤心服者曰彭躬菴以予觀之躬菴尚平實而繼莊之恢張殆有過之惜乎不得盡見其書以知其人更二三十年直泯沒矣世有如晁子止陳直卿者倘附存其新韻譜之目而以予所述其書之大意志於其後猶可慰繼莊於身後也繼莊書中所述大兵征俄羅斯及王輔臣反予亦文俱極可喜

繼莊之才極矣頗有一大不可解者其生平極口許可金聖嘆故吳人不甚知繼莊間有知之者則以繼莊與聖嘆並稱又咄咄怪事也聖嘆小才耳學無根柢繼莊何所取而許可之乃以萬季野尚有未滿而心折於聖嘆則吾無以知之然繼莊終非聖嘆一流吾不得不為別白也

此係先生筆中所有錄莊傳為補入

乙丑四月付書計起二月記功凡費錢  
七千二百文二月十日校記又記

同治乙丑正月借戴子萬歲年錄子萬原年得  
其鄉先生楊傳九十五日校記又記



劉繼莊先生廣陽雜記卷之一

彭秋水聞人言雲南西面為緬國在此地皆平坦無澤矣

傅弘烈字竹君江西進賢人永歷時為遷江縣知縣于王國光庫下投誠詔云中書授韶州府同知陞廣陽府知府上書論平西上知其忠密勅廣西梧州安置

吳應期岳州失守退至交水郭壯圖絞殺之以其失陷封疆也壯圖與應期有宿憾焉應期字維周

雁足傳書傳為蘇武事但武實未嘗以書縛雁足蓋漢使者常惠自胡中還知武尚在故漢家令人入胡求武託言上林獲雁得武書也元中統間有宣慰副使郝經充信使使宋宋留之真

州十六年不還。有以雁獻經者。經畜之。雁見經輒鼓翼引吭。似有所訴。經感悟。釋日宰從者具香案北向拜。昇雁至前。手書一詩于尺帛。係雁足而縱之。其詩曰。露冷且高恣所如。歸期回首是春初。上林天子援弓繳。窮海蠻臣有帛書。復書于左。中統十五年九月一日。放雁。獲者勿殺。國信大使郝經書于真州忠勇營。虞人獲之以獻。元主則然曰。四十騎留江南。曾無一人雁化。早遂進師。越二年宋亡。此又效蘇武而為之也。然武留胡中十九年。還漢家不能為武問罪于。經留宋十六年。始還。而元主卒以此滅宋為之一歎。經字伯常。澤州人也。

○尾大不掉。此非喻言也。西域有獸曰羯。尾大于身之半。非以車載尾則不可行。元白湛淵有詠羯詩。羯尾大如斜安車。載不起。



此以不棹滅彼以不棹死

舜投四凶于四裔以禦魑魅四裔者四夷也余謂四凶在朝雖為凶族然有君子所不能及者是以彼之下駟亦足以走我之上駟也不然亦豈能以變四夷禦魑魅哉今之君子且有居中而身魑魅者不知舜何以處之

魁番四  
品四字

清世爵一品精奇尼哈哈番二品阿思尼哈哈番三品阿達哈哈番  
哈番擺他喇哈哈番五品拖沙喇哈哈番

東四旂鑲黃正白鑲白正藍西四旂正黃正紅鑲紅鑲藍

正黃鑲黃正白為上三旂無王但有老翁即固山額中副都統  
即梅勒章京每旂滿州蒙古漢軍各掌印都統一員副都統一員

。每八旗滿州有叢章京一員、職與都統等、止管擺呀喇、掌龍叢、每旗喀把什蝦二員、職與副都統等、

。又東西四旗、各有喀喇昂和一員、職與都統等、俱單管喀巴什、每旗甲喇章京、滿州六員、蒙古二員、漢軍五員、職俱三品、

。八旗滿州蒙古漢軍、共牛录章京一千員、職四品、每牛录下有  
。分得撥什庫一員、職六品、小撥庫六名、小撥什庫輪班管事、不  
。分人數、每牛录下馬甲三十副、內有弓匠一名、喀把什二名、郭  
。吃喝擺呀喇二名、跟王爺大擺呀喇十七名、另有壯大一名、管  
。轄擺呀喇十七名、步甲二十名、無馬、不出兵、止守城、當差、無帳  
。房、內有步兵撥什庫二名、  
。每牛录錢匠一名、鞍匠一名、

。每馬甲一名、帳房一頂、私自備用者、或二三四人合一頂、聽便。  
馬甲箭五十條、弓刀各一。

。馬甲明盔暗甲、大擺呀喇明甲。

。每都統與擺呀喇章京、有織金龍纓、蒙古滿州無月、漢軍有月。

。王子三尖龍纓、三稜火炎銀頂、後有蜈蚣旂二。

。都統黑纓、正邊方旂。

。擺呀喇紅纓、火炎邊旂。

。梅勒章京無纓、止有標四杆、旂長二尺。

。甲喇章京本色纓、無標。

。牛录在家有官纓二杆、漢京一杆、出兵加甲喇章京銜有纓。

二老前  
後漢例

分得撥什庫、遇出戰分兵之時、外加甲喇章京銜有蓋、  
(加甲喇章京出兵為夸蘭大有蓋)

小撥什庫背旗一杆、方二尺、黑纓

喀把什先鋒營壯大頭帶翎、有飛虎背旗、方二尺、狐尾  
擺呀喇壯大斜尖本色旗、紅纓

都統

蘇章京

喀把什蝦

甲喇章京俸銀一百三十兩、白米一百三十斛、計六十五石、出  
兵有行糧、每月銀六兩、每日米八合三勺、馬草二束、料五升  
牛草章京俸銀一百零五兩、米一百零五斛、出兵每日加米八

合三勺、每月銀六兩、

分得撥什庫每年銀六十兩、米六十斛、出兵每月加銀四兩、  
小撥什庫每年銀四十八兩、米四十八斛、出兵每日加小米八  
合三勺、每月銀二兩、

壯大喀把什、與分得撥什庫同、擺呀喇壯大亦與分得撥什庫  
同、

加藍大每年銀八十五兩、米八十五斛、出兵行糧與撥什庫同、  
馬甲每年銀三十六兩、米四十六斛、出兵行糧與撥什庫同、  
步甲每年銀十八兩、米二十二斛、

鎮匠鑿匠每年十二兩、米二十二斛、出兵有口糧、月糧、  
擺呀喇每年銀四十八兩、米四十八斛、

步甲撥什庫每年銀二十四兩米二十二斛

●當日原園地每人六賞一賞六畝共地三十六畝如家有壯丁二名該地七十畝人多者照數加增畝數照人算數

東西四旗共烏可勒一員即九門提督

東西四旗各喀喇大一員職與梅勒同

烏可勒喀喇大皆管步兵兼管九門把門馬甲每門滿州蒙古共

二十名每門有章京二名食俸八十五兩馬夫二名

每甲喇章京管牛乘或三十四十五不等各甲喇下管加監

大四名單管步兵職五品步軍滿州蒙古漢軍各固山大一員

職與甲喇章京同俸亦同

○何督師騰蛟長沙被害相傳永歷中贈中烟王萬季楚述吳漢

書錄

樣言乃忠哀王中湘謨也督師黎平人贈黎平王謚忠哀漢樣

江陽志

吳江人尊人名晉錫曾為湖廣巡撫故知之甚悉及檢却灰錄

此志多

乃云贈忠湘王謚忠烈云

此志多

隆武諱韋健終于福建紹武諱韋錫終于粵西永歷諱由柳終

于夜郎魯藍國以海終于海外絕奇萬季野云

却灰錄乃馮魁所著與字再宋

雲字莫侯切字書大雨也宋詳出何書田喜雲字子渭山西馬

邑人辛丑進士今為內閣學士

昇風呂切音許商冠名詩大雅常服禮三制殷人昇而祭

又覆也又休居切音吁義同元氏曰從吁從日誤作從日或書

月

作呼亦誤

○馮保之逐新鄭其謀全出華亭江陵特與聞耳陶子師云

○張獻忠在蜀置平東定西安南撫北四將軍以孫可望李定國  
劉文秀艾能奇四人為之又以孫可望為前軍先鋒

辟臭虫方用木瓜打碎燒烟薰之若加人言少許其子粒粒皆  
爆碎

馬背之藉鞵世俗或書作屨考之字書屨悉協切音奕說文履  
中薦也又履也南史齊江泌少貧晝則斫屨夜則隨月讀書案  
此則音義皆非也又有屨字他計切音替履中薦也此則義同  
而音異又有屨字悉協切音奕六書正譌俗作屨非又有屨字  
同履亦非馬背藉鞵者惟有屨字他計切注云鞵屨確是此字  
無疑



山東仲家淺廟三進康熙六年巡鹽御史顧如華建崇碑父子  
路父名鳧子路生于泗水葬于開州黃巾之亂宗人遷仲家淺  
唐貞觀間封衛侯宋顯慶間進河內公又改衛國公明崇禎壬  
午衍聖公孔胤植請于朝以六十一代孫于陞字玉鉉者為翰  
林院五經博士世襲

○永歷之走安龍孫可望將圖不軌行在所有古井壓以巨石上  
書符篆可望詢之土人云井有孽龍昔張三牛鎖之于此不可  
開也可望恃有天命強發之水忽湧上可望驚走水已及可望  
膝土人呼曰此龍來朝王王命免朝日退矣可望且走且呼  
連曰免朝免朝而水來益甚且及帝居衆又呼曰此龍來朝萬  
歲以萬歲命免朝水其退乎遂開之于帝衆傳呼萬歲免朝水

應聲而退。復歸于井矣。遂更以石壓之。可望自是知天命不在也。其謀始頗息。

○又冰厓在滇中。駐驛一山。土人云。此山氣最厲。外人住此無不死者。萬歲不宜留此。帝曰。吾居之何瘴之有。自此瘴氣全消。茲山至今無瘴。

日本國人無不佩刀兵二民一婦無

「帛」字與昆字同

「裏」號音鳥蹄。銀之別名。即馬蹄銀也。

楊可師曰。寧波人有以魚須為尺者。色黑若牛角。柔若藤。蓋出日本國云。

「方聲遠」云。考鄴都三臺碑記。銅雀已沒水中。冰井尚餘其半。金

鳳上有真武閣乃獨存耳案齊文宣帝本紀天保九年八月改銅雀曰金鳳金武曰聖應水井曰崇光則金鳳銅雀一也何以碑記之誤若此書之俟考

誦字普故切誅也未詳出何書誦字倉先切言語和悅也說文徐語也又虞怨切又遇玄切義皆同

樂律參解四卷成都楊雲雀先生著一號研健先生頗有發明先天圖義管窺成疑二卷歙州黃為赤子心著一號葵齋

李成平家人朱老女年二十餘歲患怯症與藥服皆不見愈有能求方于神者先擲筭于神前以決其言不可醫而後求方焉竹竿三百餘根竿書一藥于上于神前擲之遇竿書止字者則方成矣朱老女求得一方服之立愈甚奇乃黃運黃芩黃柏麻

黃烏梅山查竹葉燈草之八味也。

朱雪鴻云明時松江顧仲言幼時入陸文靖公宅觀燈。為文靖所截拔。相從至京師。因入夏桂洲幕中。入之以薦授尚寶司少卿。時嚴嵩入相。仲言識其奸。勸桂洲為之備。桂洲不納。仲言乃持三百金。屬西山僧某。買一棺貯寺中。而佯狂棄官。與羣兒行乞蕪市。未幾桂洲為嵩所譖殺。屍莫敢收。仲言伺夜。與羣兒負桂洲身首納棺中。嵩心知仲言之為也。召而鞠之。仲言大聲曰。是我。是我。然終不告公屍處也。問亦何為。且公已殺之矣。又欲棄其屍。此豈國法所在耶。嵩意解。叱之去。仲言乃扶棺葬之鄉。為文祭之曰。古人曰一貴一賤。交情乃見。太師有馬一死一生。乃見交情。余小子何多讓焉。嗚呼哀哉。尚饗。

方日生曰新城有洞山長六七里火而行或廣或狹不一其處偶一咳嗽響應若雷六七聲乃止

徐芳云明末輔臣溫刻周奢孫復李醉

往聞之長老云歲在甲寅多亂予初不之信及索史傳堯之洪水幽王之得廢如呂政之易竊新莽之篡漢皆在是年而今康熙甲寅則有吳三桂之亂其餘比比不可意數亦聞世者之所當知也

或謂甲寅亦有無主金部賊多同步之匪徒也

汪武曹言無錫有妖如火夜飛入人家攝物乃至數百石米亦能攜之去惟怕銅鐵銅又有入以火引之墜地乃一草人殊書仰夜魅巡視南城一帶地方又有擊得者則一紙虎虎雖不啗亦能爪傷人察之必有一蟲附體上此必有妖人行邪術者

顧

為之自北而南。今至無錫。行將入蘇州界矣。戴院臣言此名麻域法。授之者發誓不傳他人。書符印入墨汁中。飲之而後傳法。其發願文云。只願今生圖富貴。不願一。入鄴都。云行此法者。其七世祖靈皆入冥獄。武曾又言崑山有飛賊。夜入人家竊物。捉之則飛身上屋。如鷹隼之疾。不知為人為妖。其腳跡甚小。常入徐道積家。又言崑城有水。忽赤如血。而泗州盱眙。夜有日出。色赤如血。方位常在巳上。泗州望之如在盱眙。盱眙望之如在泗州。于初二十六夜現異哉。

歷

汪汝武曰。金山頭織屨翁有句云。長貧知米價。老健識山名。夏振叔借山隨筆云。李自成陝西米脂縣雙泉都人。幻為僧還。俗名黃來鶴。于姬氏牧羊。崇禎三年入西川。賊不沾泥營。自號

閩墳

閩將祖海父守忠靖在永脂縣城二百里外三峰子亂山中崇禎十五年知縣任卽逢大綏令原葬人李成為前導掘海棺棺中有黑腕骨如墨頭額生白毛長六七寸守忠塚中盤白蛇一長一尺二寸有角初見人昂首張口向日頃之盤臥如故守忠骨節間色如銅綠生黃毛五六寸許

筠廊偶筆載宋郡高辛集有異人不言姓氏貌若五十許鄉之白髮者自言爲兒時見之已如是每夏飲人以水有過者輒呼曰喫水喫水烈日下被羊裘無汗流裸臥雪中時飲以酒一石不醉

。流賊中有號一堵牆者卽孫可望也

「應濟齋性理大中云科場復檢始于雪似道

玥字夷厥切音月神珠也

康熙十三年間。縣知縣趙所貪贓所得皆載歸故鄉。時荒亂鄉人奪之焚其居。趙亦隨以狂疾卒。官引發。畀人爭拾瓦礫擊之。又佯為僮負者。殛其餘資。妻子貧餒至不能營葬。代之者平湖陸隴其也。到官之日。除弊政。絕饋遺。薪水取給于家。夫人率婢妾以下紡織給魚菜。日與紳士之賢者講道論學。當午輒出粗糲共食。二年註謫去。去之日留者鞠鞠殷殷。遠道而哭。海內爭欲望見其顏色。都人士稱循良吏。必以陸當之。卒以魏總憲保舉復其官。嗚呼貪贓者慘報若彼。廉潔者受用若此。居民上者可以悟矣。

康熙戊午四月五日未時。婁東地震。



。順治間吳梅村被召三吳士大夫皆集虎邱會餞忽有少年投一函啟之得絕句云千人石上坐千人一半清朝一半明寄語姜東吳學士兩朝天子一朝臣奉座為之默然

明初軍制彷彿漢之南北軍錦衣等十二衛衛宮禁者南軍也京營等四十八衛巡徼京者北軍也而所謂春秋班換兵獨取山東河南中都大寧者則又漢朝三輔之意也然太祖以衛兵分隸五府獨稱五軍營自成祖聚兵北伐歸結營團練始設五軍三千神機三大營時有勝兵四十萬以勲臣二人提督之至己巳之變于忠肅選驍騎十五萬分為十營名曰團營而其餘者曰老家營仍用勲臣提督廣大司馬天順初革團營八年而復成化初再革二年而復又增為十二營曰奮武耀武練武顯

武敢勇果勇鼓勇傲勇立威伸威揚威振威用中貴人監之曰  
監鎗正德間又簡精銳六千人分隸東西官廳為聽征嘉靖庚  
戌罷團營東西廳復設三大營而改三千營為神樞營特設提  
督勲臣一人又時命文臣協理之號曰戎政府崇禎間外有龍  
驤左龍驤右武驤左武驤右四衛為天子禁旅名勇衛營後又  
遷京衛幼官應襲舍人六千充護衛名邊練營而可用者獨有  
勇衛營而已

楊可師曰康熙己未遣官祭長白山集議封典部覆引五岳例  
封為長白山之神予時心竊疑之以為岳宜稱帝而僅曰神者  
不知始于何代及壬戌冬適泰安州謁岱廟讀洪武初祭告碑  
文有云予起布衣不敢僭稱與妄加封號敬稱為太山之神乃

知歷代原有封號神之號始于明太祖而昭代因之議者特未  
言其故耳劉獻廷曰此百王之所不易也豈獨昭代哉

康熙中子成能有三一為總督一為知府一為參將皆有賢聲  
康熙丁未見卽抄云六合開河得黑玉指琰一枚上嵌金鐲鑿  
翼德二字疑張桓侯故物但未知字是何體

寧都卽邦士維屏臨歿示子鉞云後存萊餒者可補衣無詣戾  
行堪卽讀師此真有見之言也

姚江孫見龍祝髮為僧號水月居武林墳子門外言人禍福輒  
奇中浙撫范觀公承謀師事之康熙十九年庚申十一月十五  
日卒于崑山計其年蓋一百五十有九云

。大原王茂京言吳梅村于壬子元旦夢兩青衣來呼曰先帝召

女梅村以為 章皇帝也，急往乃見烈皇帝，伏哭不能起。烈皇帝曰：「何傷？」當日不止女一人也。語畢命之退，至午門見懸白牌一面，大書限吳偉業于八月二十二日到此，遂驚覺，後果以是年月日病卒云。

龍安梁搏九言，縣州生員張三顛為獻忠所獲，至成都司馬橋題詩橋柱云：「生為明朝人，死作明朝鬼。今赴此江流，不負此江水。」卒遇害。

又云：崇禎十年，李自成陷梓潼，教諭會稽詹嘉言遣百姓出城，賊殺之于坑子上。詹生平所著有蜀越互奇一書。

○臺灣延平王鄭氏起于明天啟四年甲子，至清康熙二十二年癸亥，福祿施焮偈降之。

。鄭芝龍子成功、成功子錦、錦子克塽、凡四傳計六十年。

。施琅于康熙二十二年六月十九日破澎湖、七月十三日自澎湖進兵、十九日至鹿門入臺灣、二十二日延平王鄭克塽奉故明魯王第八子朱柏、朱慈煥、侯劉國軒、伯馬錫蕃等奉表歸降、荆南寧靜王朱術桂一門八口即日自盡。

。清康熙二十二年明永歷三十五年也、錢大于康熙錢重一錢六分、以紅銅為之、每千文作銀二兩。

。臺灣鄭克塽投誠後、設臺灣一府、臺灣鳳山諸羅三縣、而以臺灣廈門巡道統之。

。明宗室同鄭克塽降者九人、魯王第八子朱柏、舒城王孫朱慈燭、荊州府寧靜王子朱儼鈐、建昌府益王孫朱鎬、宗室朱禧、南

昌府樂安王孫朱浚荆州巴東王孫朱江建昌府奉南王孫朱  
逵原封建昌永歷改住廣東瀘溪王朱慈煥後朱江朱柏朱逵  
朱儀鈐安插河南雙荒朱慈煥朱浚朱慈燭朱鎬安插山東雙  
荒

○鄭克塽降日奏繳延平王冊一付延平王印一顆指討大將軍  
正印一顆副印一顆蓋副用以隨帶軍前者又鄭成功受明御  
營御武副中軍勳威關防一顆御營協理行在宗人府關防一  
顆御營御武副中軍總統御營軍務印一顆又忠孝伯印一顆  
二十一史總目司馬遷史記一百三十卷本紀十二表十書八  
世家三十列傳七十班固漢書一百卷帝紀十二表八志十列  
傳七十范曄後漢書一百二十卷帝紀十志三十列傳八十陳

壽三國志六十五卷帝紀四列傳六十一房元齡等晉書一百三十卷帝紀十志二十列傳七十載記三十沈約宋書一百卷本紀十志三十列傳六十蕭子顯南齊書五十九卷本紀八志十一列傳四十姚思廉梁書五十六卷本紀六列傳五十陳書三十六卷本紀六列傳三十魏收後魏書一百三十卷本紀十二志十列傳九十二李百藥北齊書五十卷本紀八列傳四十二令狐德棻後周書五十卷本紀八列傳四十二魏徵隋書八十五卷本紀五志三十列傳五十李延壽南史八十卷帝紀十列傳七十北史一百卷本紀十二列傳八十八宋祁新唐書二百二十五卷本紀十志五十表十五列傳一百五十歐陽修五代史七十四卷帝紀十二列傳四十五考三世家十一附錄三

歐陽元宋史四百九十六卷本紀四十七志一百六十二表三十二列傳二百五十五遼史一百一十六卷本紀三十志三十一表八列傳四十五金史一百三十五卷本紀一十九志三十九表四列傳七十三宋濂元史二百一十卷本紀四十七志五十三表六列傳九十九

宋史九十九卷本紀四十七

甲子東巡衍聖公獻孔融琴一張周篋一具王羲之樂毅論墨蹟一卷宋榻聖教序一卷文與可竹一幅

閩古古塞上詩云地高天近星辰大春少秋多草木窮又棧道詩峰末有峰青漢橋地根無地黑江流又觀潮詩月轉中宵成白晝水吞平地作青天皆奇句也

萊陽董樵云登州海市不止幻樓臺殿閣之形一日見戰艦百



餘旂仗森然且有金鼓聲頃之脫入水又云崇禎三年樵赴登  
州知府蕭魚小試遣門吏報海市益其俗遇海市必擊鼓報官  
府也蕭率諸童子往觀見北門外長山忽穴其中如城門然水  
自內出頃之上沸離山為二自辰至午始復故

長山長四十里去登州府北門亦四十里

又云涉海者云嘗從海中望岸上亦有樓觀人物如岸上所見  
者

乙丑年正月二十日京師舊火藥局地轟壞屋傷人無數丁大  
年云明自洪武時卽歲火藥于地穴地深三十尺實火藥于中  
上蓋石板再加橫木復覆以土以備不虞至崇禎十五年忽轟  
十六年更歲八害今復發其五

浙江學使者張衡丁亥北歸將至高郵燒其次子產船火光不上燎船中貢具皆無恙盡燬橐鏡子銅盤等皆絕王金樵讀律佩觿有云雷發徽州典肆內外高藏金銀物皆以類化而封識如故兩事頗相似丁大年云雷有陰陽陽者有聲陰則無聲而能化物張衡之事非火也亦雷之陰者也

康熙十八年七月二十八日巳時地震京城倒房一萬二千七百九十三間壞房一萬八千二十八間死人民四百八十五名乙丑八月初六夜二更浙撫大堂內火光如斗自梁滾下忽化為童子驚呼守宿將卒逐之下露臺而梁折堂圯

史記外戚世家實太后崩遺詔盡以東宮金錢財物賜長公主嫖則是東宮者太后所居之宮也而後世概以稱太子考之西

漢太后居東宮。東漢以後太子居之。而東漢太后居長樂宮。

康熙二十三年七月。暹羅國由廣東進貢方物三十九種。內象二隻。孔雀八隻。斃其二。六足龜八隻。斃其三。餘莫能知。

直隸獲鹿縣海山石皆成松形。

康熙二十四年八月。建義侯林興珠提督劉兆麟率福建藤牌手征羅利國。勝之。

己丑年九月。蒙古科爾沁多羅札克薩圖郡王鄂齊禮科爾沁鎮國公和碩額駙那木齊科爾沁和碩額駙二等台吉納蘇兒畢力克兒由喜峰口。巴薩多羅郡王紉木達巴薩多羅額駙阿爾布澤博由古北口。多羅郡王沙克沙僧厄由獨石口。鄂爾多思多羅貝勒宋額普由張家口。入朝問安。于十八日親賜宴于城。

外蘆溝橋陳兵以觀之

寧古塔多榛樹止三尺許而花大寸車輪夜聞人多不見相傳

見者多死云

遠省廣  
口皆有

宋攸仲云春花濛濛秋花落朶

徐芳懸榻編云辛丑夏如皋縣伐木造海船鋸一十數圍柏木  
中有觀音像雕石水竹童子鸚鵡之形皆具乃止勿解今以一  
面嵌縣西門僧寺壁中其一面不知所在

廣東海關二年額稅銀十八萬三千四百二十九兩一錢五分  
江南海關二年額稅銀五萬三千六百三十七兩九錢

寧波海關二年額稅銀七萬四千

唐祭北海于洛州宋明祭于孟州本朝改祭于溫同江從副都

御史徐元珙請也。

康熙二十六年六月初四日，添設貴州七縣，曰貴班，曰青鎮，曰安平，曰南安，曰修文，曰永寧，曰畢節，而偏橋等二十五衛所悉行裁併。

崔克琳先生贈王克誠先生園亭詩，有句云：石身僵仰猶堪犬，松意蕭疏不受官。先生即取以為座聯。

有叩關人，監理自言破澎湖時，洞腹出腸，力戰不已。上授以副將。未幾，遷總兵。案前古幼腸而戰者三人，晉卻克齊、彭樂、唐郭琪也。今得監理而回矣。

宋時殿試分五甲，朱考亭中高宗紹興十八年狀元，王佑榜第五甲第九十名，此其據也。

明宗室科舉始于天啟辛酉年，允大冢宰李日宣之請也。蓋欲借此以減宗祿云。

○張司馬煌言，甬東道上詩：國亡家破欲何之？西子湖頭有我師。日月雙懸于氏墓，乾坤半壁岳家祠。慙將赤手分三席，特為丹心借一枝。他日素車東浙路，怒濤豈必是鸕夷。

三族始于秦孝公，五族始于北魏太武帝，九族始于隋煬帝，十族始于明成祖。

○祁班孫，字奕喜，山陰之梅市人。父龐佳，崇禎時巡案南京。弘光時，又為巡撫，俱有清節。國變，衣冠正笏，坐荷花池沈死。班孫不應試，肆力為詩古文，好結客。康熙元年，以與魏耕交流寧古塔，至則賂其督帥，弛約束。四年，脫身歸，匿梅市一年，頗為人知。守

今以下物色之乃下髮為菟峯僧某弟子號曰呪林明主常州馬鞍山寺喜談議古今而惡講佛法縉紳先生多疑之而莫有知其姓名者言明末年輒擗面慟哭十二年十一月十一日忽沐浴曳杖繞堂大呼曰我欲西歸有緣者隨我如是者終日觀者如堵駭不敢近入暮踟躕垂眉久之忽張目曰動一念矣遂卒去

李杜序杜詩稱元太監紐憐請以草堂崇祀杜甫得謚文貞載在虞奎章集中

漢光武時省官止七千五百餘員唐時文武官一萬八千八百餘員明洪武初武職二萬八千餘員錦衣衛二百一十一員至成化間武職增至八萬一千餘員錦衣衛一千七百餘員

康熙間文武一萬五千六百員而八旗武職不在是數文職在京正雜大小二千五百四十六員直隸正雜五百四十六員學官三百十五員江南正雜七百五十九員學官二百五十六員山東正雜四百五十七員學官二百三十八員山西正雜三百九十二員學官二百零一員河南正雜三百四十八員學官二百三十員陝西正雜四百八十七員學官二百九十員湖廣正雜六百三十員學官二百八十六員浙江正雜四百二十四員學官一百七十四員福建正雜三百四十七員學官一百三十四員江西正雜四百八十四員學官一百八十二員廣東正雜四百五十員學官一百九十一員廣西正雜三百十八員學官一百十四員四川正雜三百五



十三員學官一百九十八員 雲南正雜二百六十五員學官  
一百一十員 貴州正雜一百四十四員學官八十二員共  
萬五千一百武職直隸山西三百六十六員 陝西三百三十  
九員 山東一百二十八員 河南三十五員 江甯四百十  
六員 浙江二百零六員 江西一百零九員 福建一百九  
十七員 湖廣一百八十九員 廣東二百七十六員 廣西  
一百九十八員 雲南一百員 貴州九十二員共二千六百  
明設前邊總督轄順天永平二巡撫宣大總督轄宣府大同山  
西三巡撫三邊總督轄延綏甘肅寧夏三巡撫  
矣字堂來切音臺煤也火烟所生也

明之內閣中書省也六部尚書省也惟無門下省耳然六科之

設即所以補之

閣擬上或改票或依擬司禮秉筆票硃發下錦衣衛直房分送六科六科然後發部

閣票分送諸輔其權則在中書

錦衣衛職掌有四護衛一也緝結二也刑名三也直房司口四也明制諸鎮先有總兵後添設巡撫其署衛則曰參贊軍務其無總兵官及後設總兵者則曰提督軍務

明蘇遠總督駐密雲三邊總督駐固原宣大總督駐口口

甘肅寧夏延綏曰三邊後以總督駐固原更曰四鎮

威字說文曰姑也漢律婦告威姑又伊威鼠婦也室不掃則有之詩伊威在室本草一名負蟾多在下涇及土坎中所謂淫生

蟲也多足色如蚓背有橫文常負著鼠背故名處負今誤作婦  
宋

刻字始于長樂老人馮道

今人稱督撫糾參之本曰露章不知露章之名蓋始于漢時何  
武也武為揚州刺史所舉奏二千石長吏必先露章服罪者為  
虧除免之而已今其名存而其義不可問已

丙寅年荷蘭噶嘰吧王耀漢連氏甘勸氏差使者賓先已差通  
事林奇逢等進貢方物四十種大珊瑚珠一串計六十八顆煒  
身大鏡二面奇秀琥珀二十四塊哆羅絨十五疋內黃色一疋  
白色二匹烏色四匹硃紅色二疋葡萄色一疋中哆羅絨十疋  
內紅色二匹烏色八匹織金大絨毯四領烏羽緞四匹綠倭緞

一段新嘜嘜緞八匹、中嘜嘜緞十二匹、織金花緞五匹、白色雜  
樣細軟布共二百一十九匹、大自鳴鐘一座、大琉璃銚一員、聚  
輝燭臺一懸、琉璃盞異式計五百八十一塊、丁香三十担、冰片  
三十二斤、蜜甜肉苳蔻四窠、鑲金小箱一隻、內丁香油一罐、蕃  
薇花油一罐、檀香油一罐、桂花油一罐、葡萄酒二桶、大象牙五  
枚、鑲金鳥銃二十把、鑲金馬銃二十把、連彩色皮袋二十佩、精  
細馬銃十把、連綉彩皮袋十佩、精細小馬銃二十把、短小馬銃  
二十把、連火石一袋、精細鳥銃十把、鑲金佩刀十把、起花佩刀  
二十把、雙利双劍十把、起金花單利双劍六把、照星月水鏡一  
執、照江河水鏡二執、雕製夾板三隻

丙寅五月、內土魯番國回王阿不喇米札法免減的也民巴哈

都兕阿子漢遣使無路火者等進貢西馬四匹達馬十匹單峰駱駝二匹鴉虎一聯黑鷹一聯西洋布二匹玉石一千斤金銅二錢西弓二張西品二塊

并字渠宜切音其古其字又姓并詩教

粵東人有詠時事詩大將賜不黃帶子親王自領綠旂兵又送人發達遼東詩中聯云南國佳人多塞北中原名士半遼陽皆絕唱也

王文恪公曰周之時有三朝庫門之外為外朝詢大事在馬路門之外為治朝日視朝在馬路門之內曰內朝亦曰燕朝王藻曰君日出而視朝退造路寢聽政蓋視朝而見羣臣所以正上下之分聽政造路寢所以通達通之情唐皇城之北南三門曰

承天其北曰太極殿又北曰兩儀殿古之外朝正朝內朝也宋時常朝則文德殿五日一起居則垂拱殿大朝賀則大慶殿侍從以下五日一人上殿謂之輪對必述時政利害內殿引見亦或賜坐蓋三朝之遺意焉國朝大朝會則奉天殿即古之正朝也常朝則奉天門即古之外朝而內朝獨缺然華蓋謹身武英等殿猶內朝之遺制也

康熙二十九年御史徐樹勳請修國史疏曰自古設立史官原以修輯國史為重典謨訓誥皆是其時史官之筆親見之與傳聞不同故能記載當時為法後嗣三代以降列國皆有載記春秋因魯史舊文列于諸史之首此為史家編年之祖漢司馬遷叔為紀傳表志之體歷代因之皆命儒臣纂修本朝之史謂之

正史如漢班固受詔撰光武本紀及諸列傳二十八篇李尤受詔與謁者僕射劉珍等俱撰漢紀晉徐廣奉詔勒成晉紀唐有修國史之官如劉知幾吳兢韋述柳芳之輩俱以直史館著名當時宋有兩朝國史乃宰相王旦所修後呂夷簡益以真宗朝為三朝國史後又有仁宗英宗神宗哲宗四朝國史皆歷歷可考者也歷稽前代編年與紀傳之體二者皆當兼行纂輯編年則凡起居注日歷聖政記皆集處當時議論政事及制詔章奏隨日撰錄以年千秋而紀傳表志之正史亦併于此時編纂蓋必用本朝之人修昭代之史事皆親親言皆有微覈之後來之傳聞異時之討論尤為得實而詳盡故歷代最重此選惟明時史官虛設初雖編有日歷後即旋廢至于正史迄未議及自萬歷

陳于陞始請編緝行之二年又復中止論者惜焉伏惟皇上  
臨御以來文德覃敷武功赫濯撫綏方夏手定太平凡夫敬天  
法祖用人行政戡亂服遠救災恤民大猷大經實心實績謀自  
聖衷發為宸斷如陽和之布萬物風雷之肅四時感應至速大  
化若神難殫筆之目日侍鵷砌何能罄寫萬一況今起居注一  
官祇錄侍直聽政時事而頒行之詔諭章奏之批荅未獲詳明  
假使聖代鴻猷茂烈稍有缺略何以昭示來茲臣以為大清會  
典已經告成政治典謨平定三逆方略將次葺完目下詞臣不  
乏請于三書進呈之後倣古聖政記日歷體例自皇上龍飛  
初歲案年編纂上自詔諭及諸司奏章批荅合之起居注官所  
記勒成巨編一事而具始末一言而備源委經緯粲然蔚為典



詰于以昭重典。歷炳萬年。子孫臣民。有法有則。豈不誠非常盛事歟。至于肇修正史。自漢以來。具有成例。洪惟我太祖太宗世祖三朝實錄。謨烈具存。獨紀表傳志之正史。尚未講及。與其待修于後時。不如亟議于今日。乘文獻之大盛。兼典章之繁成。人物易于訪求。經制不難考究。乞以時頒諭開局。次第汗青。列聖之豐功峻德。懸日月而常明。皇上之孝思作求。炳穹壤而無極矣。詔下廷臣集議。九卿翰林院詹事科道會議曰。詳考歷代史書。其體有二。自春秋列國。以及後代時政記起居注日歷。皆用編年之體。自司馬遷史記。以及歷代史書。並撰次當代國史。皆用紀傳表志之體。考之往籍。寧以書牘前議論之辭。則有時政記。史臣紀柱下見聞之實。則有起居注。類而次之。

立

則有日歷。日歷始于唐。而宋因之。唐會昌中。命每歲末。以時政記。總起居注。付史館。宋太平興國中。命參政李昉。記錄時政。每年送史館。乾道中。又命每旬所修時政記。與三省錄進聖語。同付日歷。所此前代用編年之體。修本朝之史者也。漢明帝時。班固奉詔。撰光武本紀。及列傳。後每朝增修。竝稱漢紀。魏晉以後。設有專掌國史之官。唐則顯慶中。修貞觀以前國史。肅宗以後。每朝增修。宋景德間。因撰太祖太宗正史。命取兩朝日歷時政記。起居注。及諸司文字。並目下行狀。付史館。編成帝紀志傳。天聖以後。亦每朝增修。此前代用紀表志傳之體。修本朝之史者也。至明惟洪武時。曾纂日歷萬歷中。撰國史。未久輒罷。夫修史之難。難于徵信。耳目近則聞見不審。討論詳則紀載得實。以當

代之人修當代之史，詢足信今傳後。今御製集見經編校，而各館所纂政治典訓、平定三逆方略及大清會典俱將次告竣，詔諭制敕俱在內閣，章疏批荅俱在六曹，且起居之設又與前代不同。凡皇上親決萬幾而諭羣下時政之要，悉得記載，是聖猷宸訓固已散著典冊，但原委本末尚未彙萃成書。今誠倣日歷體例編年撰記，則政法無一不明備矣。至于三朝實錄已呈齊覽，而三朝聖訓又經告成，以此編輯正史，分撰紀表傳志，事跡實爲具備。卽有應搜採編入者，悉行覈集，亦信而有徵，相應如臺臣徐樹穀所請舉行，其一切應行事宜統候命下交與內閣翰林院逐一詳議具題可也。

梁燾林先生贈崔兎牀詩曰：白頭何處設中原，短筑無聲泪已

吞軍路半荒公子室驚蛇誰返大夫魂秋驚鵲矢呼龍子戍冷  
蒿藜走兔村惜殺函關舊兵法西風吹恨上夷門

嘗見庚帖中有五際字不解出何書後見類書曰詩有五際君  
臣父子兄弟夫婦朋友也又曰邠酉午戌亥然究未詳所出

萬都尉煒第七子出姓許在旂為儀真知縣時劇雪坊在江北  
往拜之刺署眷弟許見之甚怒不為禮以其布衣而儼然眷弟  
也王崐鉅曰其怒也固宜許為瑞安大長公主子與光宗同行  
輩劇則新榮侯公子與烈皇帝同行輩是當稱曉矣克承先生  
曰先朝戚畹通不叙行輩大率以眷弟往還瀛國太夫人八十  
壽嘉定伯周奎署錦屏亦止眷弟他可知矣異哉

梁煥林先生贈棲霞瞿菴和上詩其一云入眼殘山十五年大

江南北影淒然。六朝水逝荒鐘下。百戰人餘夕照邊。白首蘆花  
悲雁塞。枯心柏葉問龍禪。石鐺折腳黃梅熟。消息應先智者傳。  
其二云。孤磬殘椒禮白雲。高邱蘭若再逢君。三生夢冷鷓鴣語。  
萬壑聲消雀窠羣。雪窓生從天外老。風濤不向定中聞。展臂起  
看峰頭日。別有心香柏子焚。

王崑繩曰。二十一史中。兩漢晉六朝隋唐皆曰書。南北五代宋  
遼金元皆曰史。不知史乃官名。不可以名書也。虞夏商周皆名  
書。而史記云者。史官之所記也。名不正則言不順。千年以來無  
人發此義。一字之失。所關不小。

清陵曰。永陵曰。福陵曰。昭陵曰。孝陵。

劉青士。潘文山。朱子皇。偕隱處州縉雲縣。易衣而出。耒耨而食。

歲終一人出遊一人辨賦役一人力田國所著之書甚衆前朝史傳已有成書張蒼淪云

春秋始終五伯齊桓異姓之伯也晉文同姓之伯也秦繆一方之伯也楚莊蠻夷之伯也宋襄伯而不成者也

人當少年時用力于心思中年時用力于言行老年時用力于文章

○中湘王何騰蛟字雲從鎮國公堵蔭錫字牧游閩部史可法字憲之

湛業蔭作龍

蔡瞻岷曰治天必用申韓守天下必用黃老

又曰明只一帝太祖高皇帝是也明只一相張居正是也瞻岷論史于司馬子長後最歎服陳壽以為有良史之才

藥中有釣藤。釣上一字乃釣音吊。今世俗率云釣從句音非也。

有利如釣句音亦可。

馬嘶如笑。驢鳴似哭。

凡泛水諸禽其腳中空外連如鵝鴨之類是也。水邊諸禽其腳皮半連如鶴鷺之類是也。若雞不近水則中實不連矣。李含英云。

臨汾關在祁臺縣南。關左倚高山右臨汾水。勢甚雄壯。然山頂之烟塹炮臺今誠虛設矣。今目云彰德府道南半里許有土臺。臺高二丈餘。濶里許。上造小圓城。城內松柏甚茂。扁曰古美里城。

明世宗命內臣蘇杭織造大學士楊廷和曰。歷考洪武永樂下

及天順竝無此有之惟成弘間一行耳可謂纖造爲累朝故事乎廷和由此致仕

倪文正公鴻寶有應編皆應酬雜作

凡木圍五六尺長八九丈者非數百年長養不成即有成者中多虛空凡虛空起于內灌有天灌者自上灌注而下有地灌者自下蒸涇而上有人灌者中有朽眼涇從而入氣蒸而上涇注而下故大木即有十餘株可採用者不過三四而已

豐熙鄞人與其子坊皆善造偽書

乳香薰陸香考異恭曰薰陸形如白膠香出天竺者色白出單于者夾綠色香亦不甚珣曰案廣志云薰陸香是樹皮鱗甲採之復生乳頭香生南海是波斯松樹脂也紫赤如櫻桃透明者



鼎鑪記

南印度

佳。禹錫曰：案南方異物志云：薰陸出大秦國，在海邊，有大樹枝，葉正如古松，生于沙中，盛夏木液流出沙土，壯如桃膠，夷人採取，賣與商賈，若商賈不至，則自食之。宗奭曰：薰陸木葉類棠梨，南印土界阿叱釐國出之，謂之西香，南番者更佳，即乳香也。江寧孝陵之側為靈谷寺，乃太祖以此地易寶誌公塔處也。顏曰：天下第一叢林，大殿懸齊景陽鐘，鐘界為二十四方，方懸一杵，為界各為律，清濁高下，各為一音，略如今之韻鑑焉，而備之于一鐘，異哉。

吳三桂即為位于衡州雁峰寺側，築壇而祀，祀文用檀香版，鑲字，塗以石青，燔柴用純牛，殺之去污穢，實以菰米而祭焉。董顯忠綽號董渾，為王鉄山標下將官，嘗送鉄山歸高郵，以錢

山力至雲南布政。子廷恩字天與。今為衡永郴道。

雲南曲靖府知府李率祖字素園。鎮嶺李氏也。王輔臣為總兵時。與之交好。輔臣陞平涼提督。王景為總兵。與率祖不協。率祖參其放餉。不會同文官。平西參其多事。上命大臣勘問。景革職。率祖降級。

宣城令吳正中。紹興人。起家吏員。入為兵馬司。隨洪經略至湖廣。題湖廣長沙守道。

長沙提統將軍高起龍妻陳氏。廬州人。幼為張獻忠所擄。後歸高氏。起龍提兵雲南時。有雲南府經歷陳某者。廬州人。往謁高。值高他出。其妻聞陳廬州人。疑之。立屏後。問其家世居處。父母名氏。皆合。又曰。有姊幼為賊擄去。不知所在。高夫人曰。汝識其

人否曰忘之矣。但予幼時頑劣如強負子。予曾啗如臂傷焉。雅記此事。高夫人大哭而出。乃兄弟也。陳因以得所。陞武清知縣云。

楮樹子如荑荊實有紅黑二色。黑子打油可以點燈。紅色者中空無用也。

郝天挺唐詩鼓吹。出手腐板可厭。何近人家強戶誦乃爾。無怪其出手即作學究語也。

偶與宗夏論易。因謂之曰。易無思也。無爲也。本是說易。易即是著卦諸家皆就人上說去。於是有無將迎不安排之說。此處考序之說爲得之。

又云。老子不尚賢。章中云。不見可欲。使心不亂。乃承上二句言。

蓋賢也。貨也。皆可欲也。上之人尚賢貴貨。是示民以可欲。而亂其心也。惟不尚不貴。則不見可欲。而使民之心不亂。本是明白直截。後人卻截出此句。就自己學術上說。反說老子說得不是。嗟。不深理會其言。而遽非之。寧不令人邪。虛其心。實其腹。弱其志。強其骨。四其字。皆就使上說。

偶與日宏論詩。因謂之曰。性情一也。而有十五國之不同。微乎危矣。

乘除之法。唐九執婆羅門以書為計。其學不傳久矣。回回土盤未廣。流布世亦無有知者。泰西來賓。書數始為合一。余別有序一通。推論其故。湯道未更。製方籌尤為奇。瓶與盤珠而三。皆絕世之奇構也。

徐炳文梅堰人。孔東塘門人。嘗輯二十一史孝子傳。讀其兩晉一冊。殊有可觀。

辛未春。夏爾旦提兵急攻西口。京師戒嚴。每牛系下鎗手派至八名。幾于傾國矣。城內外典厩盡閉。米價至三兩餘。

曾天妹青藤幼子也。青藤死。槐歸。其如夫人亦死。天妹幼無所歸。奉世撫之如子。此今人之所難也。

舟中讀戴人儒門事親一書。覺耳目一新。頗有悟入處。真醫學中神藥也。

寒山趙凡夫先生六書之學。近代人無出其右者。其說文長箋。雖未盡合于理。然亦弘博可觀矣。先生以諧聲之故。更求之等字。有真定淳公先生師之。供養于法螺庵。與先生衡宇相望也。

潭公精五天梵書。以大梵書題法螺卷額曰。達摩商估。至今猶在。

寓維揚時。與諸公出西郊。散步由虹橋而南。橋下河肆羅列。青帘漾于天半。笙歌競作。煩風吹人如醉。綠野平曠。皆昔年夫容沼也。蜀岡有觀音閣。卽煬帝迷樓故址。徘徊久之。由蜀岡而西。過歐陽文忠公平山堂。堂後有清賞閣。久坐望江南。山色如黛。余苦不能遠視。以玻璃照之。參差如畫。江帆隱隱映于鏡中。余較之歐陽所尋多矣。與宗夏言之一笑。更由平山而西。坐蜀泉亭上。亭有碑題曰。第五泉。或曰。此泉與蜀江相通。世人附會大抵爾。更過司徒廟。司徒梁陳間人。姓茅名勝。異姓兄弟五人。同為獵戶。一姓許。一姓祝。一姓蔣。一姓吳。而茅為長。拜村中老。

當

媼為母，後母為虎所食。五人誓為母復仇，遂盡殺境內之虎。楊自是無虎患。廟食至今，頗著靈異。入廟于廊下，得一舊碑，載南史王琳為吳明徹所殺，其部下將茅勝等五人葬之于壽春八公山下。至隋封為司徒，即其人矣。俟更于南史及隋書中考之。自司徒廟南至西門，過二十四橋，橋惟數石片跨臭水溝耳。竹西歌吹杳不可聞矣。

洪武二十三年，洪武正韻頒行已久，上以字義音切尚多未審，命詞臣再校之。學士劉三吾言：「前後韻書，惟元國子監生孫吾與所纂韻會訂正音韻歸一，應可流傳，遂以其書進。上覽而善之，更名洪武通韻，命刊行焉。今其書不傳，仍行正韻。」今爰書中有大誥說一等自死罪外無一不然，此未知立法本

意者也。明太祖頒行大誥，一切官民人等，戶戶有此一本。若犯笞杖徒流罪，有者每減一等，無者每加一等。今民間雖有此本，顧察有減等而不聞有加等，此因仍之誤也。然徒杖笞減一等者，猶未相遠；流配一減，卽為徒罪，以律二死三流同為一減，故也因以流罪廢而不用，而律為空設矣。然流罪下死刑一等，儘有情罪深重者，降而為徒，法實不赦，奈何因仍而不改乎？

明禁中端午有龍舟驃騎之戲。驃騎者一人騎而持幟，前行後騎繼之，各于馬上呈弄伎巧，蓋以習騎乘云。實元制也。龍舟似亦有習水師之意。

永樂時禁中有翳柳之戲。翳柳卽射柳也。陳眉公云：胡人以勅鵠貯葫蘆中，懸之柳上射之。射中葫蘆，鵠輒飛去，以飛之高下



為勝負往々會于清明端午日名曰射柳

宣德十年十一月朔當頒歷以是日日食移于十二月朔成化十五年十一月朔值冬至移十月朔弘治三年十一月朔值冬至移望日前此頒歷皆在十一月朔嘉靖間始改十月云

舊制殿試在三月朔日成化八年以悼恭太子發引改于十五日至今因之

正統十一年正旦日立春禮部言二節同一日宜殺立春日從之天順五年十一月十一日萬壽聖節又值冬至禮部言二節當行慶禮然致詞各異

儒者謂管仲煎海為伯國之術然歷代行之未能有廢者明朝國賦所資于鹽尤溥以近日計之歲々入餘鹽課稅等銀約一

百萬三千兩有奇。各邊中鹽引價約五十六萬七千兩有奇。其子全賦蓋五之一云。

永樂取舉人監生年少者入翰林院習吏字。以通事為教師。科舉時任其應試。卷尾識譯書數十字。三場畢。送翰林院定。去取仍送入場填榜。益優典也。中榜後改為庶吉士。仍習譯。其後習譯益多。中第者益衆。有一榜中三十餘人者。天順中以奔競者多。乃革之。而用民間子弟。

洪武乙丑科。丁顯為狀元。練子寧為榜眼。花綸為探花。子寧有送花狀元歸娶詩。以狀稱花。不曉其故。考宋時稱賜甲者皆為狀元。或以是也。是年黃子澄以三甲改庶吉士。今狀元考與翰林題名。皆以黃為探花。而遺綸名。蓋是科題名碑有缺。故誤傳。

耳。

## 局

曹鼎以典史中狀元人皆知之。洪武辛未榜眼吳言信福建邵武人也。以鈔衛副使中人多未之知也。正統壬戌又有松陵駟丞鄭溫中第。

嘉靖中南給事高鶴者紹興人也。嘗具疏劾嚴氏姻親忤旨降縣丞。稍遷鳳陽屬邑令。偶有嚴氏家奴乘傳過其邑。鶴執之杖至六十。曰。煩爾以此杖寄爾主。不久為嚴所中。免官。陶祭酒撰高墓志不載此事。

嚴嵩末年有分宜令麻城人也。忘其名。在京候嵩于私第。坐旁室中。俄有家奴從內出。令見而起。奴乃叩首。令前。令驚曰。若何為行此禮。奴曰。我主盛滿已極。旦夕禍作。奴輩皆不免。此時得

公稍寬撫楚足矣。嚴氏敗，令治其家。是奴亦在治中，令識其人，特釋之。嗚呼！此奴賢知過其主遠矣。

楊繼盛劾嚴嵩十惡，內有子孫冒邊功一事。下兵部查覆。聶公豹為本兵，袖一藁謂諸司曰：「吾意已定，此功皆實不虛。諸君勿多言。」是時王公遣為主事與同官齊聲曰：「此稿乃某人所為，不可用。」公今日當為萬世持公論，何但為一時免禍計耶？聶毅然起入火房，且行且語，趨其稿。奏時，楊公博張公時徹為左右司。楊默然無言。張言此事不可，但已。牽楊袖隨之入，謂聶曰：「如公所言，則事激而禍延，縉紳不休，不便。愚以為第緩之可耳。」公何不說嚴公使自辭軍賞，則部可無覆，而諸司意釋。公論且不廢矣。聶大悟從之。于是疏入，肅皇聽其辭，而更受錦衣百戶。諸賢

幸無摧折。張一言之力也。

陳文偉，武昌人。膂力過人，嘗五更之田間，猛虎撲地而來，乃兩手搏虎肩而足蹴虎勢，虎死。後應會試，場屋火，以右手抵牆頭，左手持同事人履肩而出者幾千人。火執迫，乃揖後至者曰：「吾力只此矣。」遂名動天下。後為山東安邱令，流賊百餘人掠庫，文偉敕羣吏第謹簿書，諸寶藏吾無慮也。群賊大掠庫金去，良久問左右曰：「賊去幾何？」曰：「三十里矣。」勅左右以一騎一彈來，馳赴之。問諸賊孰為首者，彈左耳中之。又彈右耳中之。賊大駭，伏地請死。文偉曰：「好為我送庫金還。」群賊惟命。文偉以騎尾其後，抵縣。羣賊請死。文偉曰：「我何有詣賊奴各杖三十遣之。」文偉自負拓弛意，不以見功也。御史竟以縱賊論劾，免官罷歸。

穆廟在祔郊時。郊中例有所給。于常祿外。積戶部者三歲弗敢請。歲用窘甚。承奉謀之曰。非賄世蕃不可。請王帑得千金。以王命謁世蕃而致焉。世蕃欣然受之。以屬戶部。即與三載給。世蕃時諗于人曰。天子兒尚行金我。誰敢不行金者。華亭設其事曰。世蕃真天大膽也。

鄉賢名宦有祠。公典也。不惟有司不當私其人。雖子孫亦不當私其祖父。昔劉劭老健為相時。河南有司欲以其尊公及一某公。入鄉賢。告之劭。劭曰。吾鄉賢祠有二程夫子在。吾父何敢並焉。至如某公。固自當入。嗚呼。劭公之見遠矣。夫祖父無明德。強列俎豆。是辱之非榮之也。近日士大夫。無一不入鄉賢。木主委積。至列之案下。謂此鄉官祠。非鄉賢祠也。

畫者象也。值其畫者變也。潛龍勿用者辭也。用其辭者占也。斯義不明而附會無不至矣。

易終于未濟。斯天道之不窮乎。書終于秦誓。斯氣運之將變乎。詩終于商頌。斯文弊之復質乎。春秋終于獲麟。斯王道之永久乎。

涇野先生嘗言。居要有九病。見善忘舉者妬。知惡不劾者比。依違是非者諂。借公行私者佞。意存覬覦者狡。懼禍結舌者偷。指摘疑似者刻。怒人傲己。蓋其所長。而論者忿。喜人奔競。發其所短。而薦者貪。九者有一于此。終亦必亡而已矣。開誠布公。九病可以句藥而愈矣。

古諸侯多天子。繼別之支子。故不得祀天子。以祭始祖。大夫多

諸侯繼禰之支子故不得祀諸侯以祭先祖周道然也漢唐以來則無是也禮以義起報宜從厚今士大夫之家廟雖推以祭始祖亦可也

李長卿松霞館贅言曰問鼠無牙牛無齒虎無脾兔無脣龍無耳蛇無足馬無膽羊無神猴無腎雞無腎犬無腸猪無筋十二屬各有不全草木子論之當矣然子何以屬鼠也曰天開于子不耗則其氣不開鼠耗蟲也子時夜尚未央正鼠得令之候故子屬鼠地闢于丑而牛則闢地之物也故丑屬牛人生于寅有生則有殺殺人者虎也又寅者畏也可畏莫若虎故寅屬虎卯者日出之候日本離體而中含大陰玉兔之精故卯屬兔辰者三月之卦正羣龍行雨之時故辰屬龍巳者四月之卦子時艸



後而蛇得其所。又巳時蛇不上道。故巳屬蛇。午者陽極而一陰  
甫生。馬者至健而不難地。陰類也。故午屬馬。羊嚙未時之艸而  
茁。故未屬羊。申時日落而猿啼。且申臂也。譬之氣數將亂。則狂  
作橫行。故申屬猴。酉者月出之時。月本坎體而中含太陽金雞  
之精。故酉屬雞。戌時方夜而犬則司夜之物也。故戌屬犬。亥者  
天地混沌之時。如百果含生意于核中。猪則飲食之外無一所  
知。故亥屬猪。

問二十八宿之屬。其義何居。曰。即前十二屬加一倍者也。亢金  
龍辰宮也。角木蛟附焉。蛟龍類也。房日兔卯宮也。辰土貉心月  
狐附焉。貉狐兔類也。尾火虎寅宮也。箕水豹附焉。豹虎類也。牛  
金牛丑宮也。斗木獬附焉。獬牛類也。虛日鼠子宮也。女土蝠危

月燕附焉。蝠燕鼠類也。空火猪亥宮也。壁水獺附焉。獺猪類也。婁金狗戌宮也。奎木狼附焉。狼狗類也。昂日雞酉宮也。胃土雉畢月鳥附焉。雉鳥雞類也。觜火猴申宮也。辰水獺附焉。獺猴類也。鬼金羊未宮也。井木犴附焉。犴羊類也。星日馬午宮也。柳土獐張月鹿附焉。獐鹿馬類也。翼火蛇巳宮也。軫水蚓附焉。蚓蛇類也。子午者天地一定之位。卯酉者日月所出之方。故八宮皆二而四宮獨三。李長卿何人可謂發人所未發。

崇禎壬午十二月二十六日賊衆數十萬于鍾祥石牌作梁渡兵二十七夜風大作船盡碎次日復成之三十日平明偪郢城惟援勦提兵貴州溫如珍先日方至立營未定力戰不勝死傷者衆率麾下數百人冲陣而去癸未元旦賊分兵破陵總兵錢

申選巡撫李振聲，欽天監博士楊永裕俱為賊擒。五營將士或殺或降者無算。已時陷城，撫軍宋一鶴留守沈肅、崇邑令蕭漢巡撫中軍李佳應死之。守備王璫、知府王璣降賊。守道張鳳翥、通判張國運、越城潛逃。閩賊李自成偽稱奉天倡義文武大元帥，羅汝才亦稱偽元帥。諸賊目則有偽政府侍郎從事防禦府尹州牧縣尹等名，改承天府為揚武府。

崇禎十六年春，左帥移師東下，掠兩岸船俱盡。止于九江，夏五月晦日陷會城。先是張獻忠為督師楊武陵困于瑪瑙山，僅以數十騎遁去，迨破襄陽，其寨不滿千人，乃遁于六安山中。踰年始出，陷蘄州、蕪水，繼陷黃州，益以麻城。里人叛黨洪明諸逆及黃屬新附之衆各數萬人，其勢益張，漸有飲江之志。密遣奸謀

徧布城中而楚藩所募護衛新兵弁領張以敬者黃岡諸生也。嘗奉敕楚藩督過之因與通約為內應獻賊遂從樊口涉江而上故相賀文忠聞之親啟楚藩請發銳精士卒議守禦楚藩不以為虞曰終朝寇警寇若騎母豬亦應至矣監軍王楊基適奉巡撫江北之命聞寇倡欲去賀公涕泣挽留不得二十八日遽揚帆西渡防守鎮守兵亦逃走人心恟恟前且日有發以敬等逆謀馮生雲路以告賀公公不決密問撫軍撫軍大笑斥為狂生于是以敬等懼誅謀益急矣遂釀成鄂城之陷。

周獻之云洋鉛渣滓在上錫之渣滓在下。

經略圖海圖平涼據高原以臨城中日發巨炮歷半載餘始克城中人拾炮子十三斤者萬餘小者更僕不能數也然止傷一

老人行汲者皆打空地中堆積如山事定居人報火神祠以報神德即以炮子砌祠地彰神功也

凡新考選給事到任後三日不出門待諸先輩來拜行交拜禮也交<sup>拜</sup>起坐禮後連叩首凡曾任給諫者皆來交拜三日後始出門答拜諸客不敢為客以僭先輩之故也

凡巡方巡鹽關差皆有精微批一紙以為憑限批發自內閣而科臣批之

大兄云滿州擄去漢人子女年幼者習滿語純熟與真女直無別至老年鄉音漸出矣雖操滿語其音則土百不遺一云予謂人至晚年漸歸根本此中有至理非粗心者所能會也予十九歲去鄉井寓吳下三十年飲食起居與吳習亦自忘其為北產

矣。丙辰之秋，大病幾死，少愈所患者皆北味。夢寐中所見境界，無非北方。幼時熟游之地，以此知漢高之思豐沛，太公之樂新豐，乃人情之至，非誣也。

陳礪，字石文，江西南昌人。曲靖府同知，以科場入簾。禮記仁者如射，如誤作若，降三級。後授益陽知縣，無任可到。聞平西死，自請來衡，格撫胡肇天等，吳國貴斬之于泉溪渡。

孔明之出岐山以攻為守者也。隆中已知天下大勢終于三分矣，而出師不已者，不如此欲求三分不可得也。譬之弈，碁能侵人始能自治，否則坐而待之耳。彼譙周輩何足以知之。青田事功不少，概見獨與太祖論相數語，不惟知人，并能自知而為相之道。聖人復起，亦不能易也。可謂天挺人豪矣。

藤黃出海南。聚蛇屎燉煉而成。故有毒能殺人。王維章云。麋皮之有托搭者。乃以粟米壓成者也。余向以爲生成者。茹紫庭言始知之。

李胡拜爲湖廣提督。楊來嘉爲襄陽總兵。駐紮城。胡拜來。後城來嘉橋之以獻。平西胡拜後死于貴州。

明南京御史外轉者。止于知府耳。諺曰。南道如老虎。轉去作知府。明季兩司見巡按用青藪手本。外貼一紅簽。

嘉隆兩朝書目。明倫大典。欽明大岳錄。鄭曉吾學編。高岱皇明鴻猷錄。薛應旂憲章錄。王世貞國朝紀要。吳瑞徵兩朝憲章錄。范守己肅皇大紀。王世貞史乘考誤。勞渚憲章類編。皇明名臣類記。夏言桂洲奏議。胡端敏公世寧奏議。嚴嵩南宮奏議。劉天

和闐使奏議劉天和督撫奏疏渭岷疏要毛伯溫議處安南疏  
葉王守仁撫夷節略王世貞異典述盛亨述劉天和安夏錄司  
馬泰西虹疏草沈越案阮馬政皇明經濟錄皇明疏議類抄兩  
朝疏抄嘉隆疏抄樊繼祖雲中撫平錄湖北民隱錄汪宗尹少  
泉疏藁楊允繩柳齋疏草馮南江行誼錄高拱南宮奏牘功目  
封爵考名目言行錄史虎野奏議鹿野雲中奏議沈越清查京  
衛冗食奏疏沈越嘉隆兩朝聞見記

洪承疇經略滇黔兵餉之外歲給銀五萬兩以供其用  
裸裸奉土主之神甚謹其像三首六臂項挂弱體有訟官不能  
決者則令其誓于土主之前甚則于神前熬油于鍋百沸置一  
錢于油中兩造皆以手入油格其錢直者略無傷損屈者臂手



糜爛矣。

婦  
裸婦娶婦則請兵于官以報之。婦家亦以兵守。報歸未合婦輒逃去入深山中與私。男子野合有孕而後迎歸。所歡曰馬郎歸夫家永與馬郎斷絕矣。

巡案七品官耳。其中軍則參將也。

巡案于諸有司卓異者薦之于朝。次則獎之。給之以銀兩而已。順治初年一有司滿州人。案君獎之以銀。大怒擲之于地。

明季總督巡撫宴案君。案君以賞封縞其中軍。清初猶有行之者。

新朝兵渡江。明叔皇帝出走。諸大僚如王鏊錢謙益輩皆爭出迎見。豫王而出途中見縛一人至。諸公皆渡倉走避。則山東丁

憂巡撫邱祖德也。邱四川人。見豫王令之跪不屈。以聲之僕仆而復起。遂殺之。

只舊草井鹽井也。在雲南武定府元謀縣。

康熙甲戌。敕元胡任興江南上元之胡氏。世有厚德。鼎革後。南京舊家仍守故宅者。惟胡氏耳。殿元之祖字復之。每于除夜置酒。男女分坐。諸家人男婦亦下座于兩旁。必舉杯訓其子曰。吾徒讀書人。何所能。經營家計。得以溫飽者。指諸奴曰。皆若輩力也。當善視之。江南人咸目為長者。其長子禹冀字贊。領鄉荐。任興江南解元。今又大辟天下人。以為積善之報。胡氏祖以打金箔為業。至今人猶稱之為胡金箔焉。

復之有莊與馬士英之莊鄰。田甚腴。士英令其子以三千金強

買之、復之、無難色。未幾國變，田仍歸胡。官價半原值耳。田中秋成已熟，馬氏之工本也。

江寧殿元焦弱侯、竑、朱之蕃、蘭、竭，今任興甫三人耳。

李太白詩曰：楊花落盡子規啼，聞道龍標過五溪。我寄愁心與明月，隨風直到夜郎西。茹紫庭曰：王昌齡為龍標尉，龍標即今沅州也。又有古夜郎縣，故有夜郎西之句。若以夜郎為漢夜郎王地者，則相去遠甚，不可解矣。甚矣古人之詩不易讀也。明時羣僚被劾者，自衙歸私宅，則下轎簾以障之，于門揭註籍

二字，閉門以待命。

明南凡閱操分二日。第一日則兵部職方司郎與科道蒞其事。次日則內外守備與大司馬蒞其事。第一日職方為主，有待科

不待道之規例焉。

崇禎間左懋第以吏科查閱南京兵馬餼糧與大司馬並坐。明三邊總制駐劄固原軍門為天下第一。堂皇如王者。其照牆畫麒麟一風。風三虎九。以象一總制三巡撫九總鎮也。河西巡撫駐薊州。河東巡撫駐花馬池。陝西巡撫駐西安。甘涼肅西寧夏延綏神道嶺與安固原各一總兵。

韓世琦乃蒲州韓嶺之孫也。幼被擄。故認漢軍籍。其母其弟猶在蒲州。母終身不一至其子衙署。以滿漢衣服飲食不便故也。母亦賢矣。

○祖心大師乃韓日繼之子也。

○霍山黃鼎字玉耳。霍山諸生也。鼎革時起義。後降洪經略。授以

總兵使居江南其妻獨不降擁衆數萬盤踞山中與官兵抗屢  
爲其敗總督馬國柱謂鼎獨不能招汝妻使降乎鼎曰不能也  
然其子在此使往或有濟乎國柱遂使其子招之鼎妻曰大夏  
將傾非一木所能支然志士不屈其志吾必得總督來廬一面  
約吾解衆喻令剃髮然吾仍居山中以遂吾志不能若吾夫調  
居他處也其子覆命國柱自來廬州鼎妻率衆出見貫甲錢堯  
葵慷慨如偉丈夫如總戎見制臺禮遂降終不出山黃鼎居江  
南久後屢與鄭汝通卽總督時事敗服毒死

明成化辛卯北京慈仁寺刊篇韻禮部左侍郎眉山萬安序云  
粵自開闢以來卦畫書契之文生而後策隸行草之體出虞廷  
康衢之歌謠興而後雅頌雜騷之詞作逮漢哀平時楊雄采史

籀以下諸體著訓纂永元中許慎兼采之為說文梁顧野王增  
加為玉篇凡偏旁同者皆以類而聚沈約始分四聲為切韻類  
譜隋陸詞筆又增加為韻略凡音響協者皆以類而集唐天寶  
中孫愐兼收雅俗改切韻為唐韻大歷中李陽冰崇尚說文以  
其無翻切乃取孫愐切韻附益之祥符中陳彭年校勘玉篇又  
增修唐韻更名廣韻然玉篇類形而不類聲廣韻類聲而不類  
形類形主母以統子類聲主子以該母也景祐中丁度加修廣  
韻為集韻司馬光為類篇此篇韻之名所由始也司馬又嘗科  
別清濁為二十圖以三十六母列其上推四聲相生之法為指  
掌圖自謂天造神設以便學者厥後李燾作類韻編鄭樵作六  
書略黃公紹又作韻六書之義至此大備矣金王與叔推廣玉篇

區其畫改爲篇海。荆朴取司馬之法。添入集韻。隨母取切。韓孝  
彥改玉篇歸于五音。逐三十六母取切。最妙。復述論園詞。署諸  
篇首。以備檢閱。及仲子道昭。雖其學出自家庭。而獨得尤精。見  
篇中部目太煩。卽形相推雜。在他部者。悉加改并。如四品隨口  
入溪。雉隨佳入照。羸隨鹿。羴隨羊之類是已。又見韻中門法  
多難。卽聲相協散在別音。亦加改并。如以幽隨尤。以添隨鹽。臻  
隨真。譚隨談之類是已。仍增減俗字于篇韻各母部下。凡若干  
讀者一閱而艱聲奇字。起了目前。無復含糊囁嚅之狀。道昭父  
子可謂有功于後世學者矣。

○永歷時有女提兵丁國祥。驍勇善戰。能于馬上打弩。其夫姓楊。  
亦提兵。秦王出降後。丁亦投誠。住貴州。常男妝與士夫交接。

延綏初三昇流賊也。後在雲南爲三桂後營總兵。今上初即位。母封親王夫人。至滇云。皇上頗聞三昇勇。請一見。歸爲上言之。三昇于未亂時死。其死也預知時至。生脫而去。且知未來諸事。其兵爲滇南諸營最。遺表請三桂以親臣統其軍。三桂命衛朴領之。朴字完初。三桂之幼壻也。後其兵歸王緒。夫三昇武人。且起于寇。而生死之際乃能如此。人固不可以迹論也。

咸陽人蔡世科。少年寬身行伍。有異能。手足便捷。殊方異域。住三日即能通其語言。操其鄉音。人不能辨也。抵牾諸戲。一經其目。輒能之。僞周時主于城德四川松蕃總兵吳之茂降。呼于城爲叔。之茂行三軍中。目爲吳三將軍。云世科諫其軍中與靖逆侯張勇對壘。爲官兵所擒。將戮之。世科呼曰。予有機密要語。聞



之提督達此語訖就俾未晚勇命之前屏人語久之大喜立釋其縛寵任之預聞機密勇軍令嚴帳中惟一二親信人他人不得入也今箭十二枝各有暗記與時辰相應置榻前達之以鎖有要乃親發世科一夜潛入其榻前解鎖取箭而出軍門驗箭放行世科乘馬呼噪奔吳壘軍中大譁靖逆驚絕大恨自此軍令愈嚴未久臨陳世科馬蹶復為官兵所獲靖逆欲寸磔之臨刑世科曰余更有機密欲聞之將軍語得達寸磔無恨然非面陳不可靖逆笑曰令之前蓋欲觀其措辭以為一笑也世科曰語不得聞之他人請屏左右靖逆命急其縛置榻屏人耳語刺刺不可了久之靖逆呼人釋其縛不知以何語動靖逆也自此置之官簿中令二人軟監之不如前之舒散矣靖逆死不知所往

弟世傑。稍識字。曾為道人裝賣藥于平涼市中。為吳氏散劑。收買雁翎。今其年不過四十耳。

「堪」平聲。字書云。木跌也。俗以此字為桑子者。非。甚上聲。桑子也。俗作去聲者。非。

俗以章疏為本。不知始于何時。古未有此。今時章疏有題本。有奏本。凡奉部文成例而行者。謂之題本。有私意啟請者。曰奏本。體例各不同也。

閩人粘本盛。自禮科主試滇中。丙午歲也。時功令凡旂下人。不第者。勒令披甲。吳藩下人。皆貴游子弟。頂故違學士名。應試者三百餘人。三桂待本盛禮數甚異。囑其破額廣收。都中諸事。三桂力肩之。是科。選人中式者一百五十餘人。從來所未有也。

○道鄭史閣部死難太夫人夫人皆在南京總督馬國柱歲給銀米後即為例給之終身

○金陵人翟天葵出身行伍道鄭拔為都司以好漢目之出示曰將以為好漢榜樣也道隣死後天葵即住其家門首為之守門終身此義士之傳也

雲南鸚鵡山上有真正行宮制如太和殿中亦範銅為小殿一如金殿之式

洪經略入都後其太夫人猶在也自閩迎入京太夫人見經略大怒罵以杖擊之數其不死之罪曰汝迎我來將使我為旂下老婢耶我打汝死為天下除害經略疾走得免太夫人即買舟南歸

魏國公徐六岳諱弘基明末年七十餘矣鼎未革先去世夫人曹國李氏六岳有僕呂祥字自幼伴讀全臥起至老猶然云不與祥字共榻睡即不軒矣紀伯紫亦六岳之家生兒能讀書有文名六岳即令之教子姪此皆長德事

高麗書以牛為象以象為牛謂四足者宜為象無足長尾者宜為牛也讀矮為射讀射為矮謂委矢宜為射而寸身宜為矮也高麗人號稱能讀書而不能究六書之源委杜撰若此固夷狄也

江西吉安安福人胡耐菴下總制幕友也後題授雲南易門縣知縣僅三反被殺其子太仁來滇省親則已死矣扶櫬無貲諸僚友方思醵金共襄其事有按察司經歷劉公曰前耐菴有千

金寄某處人無知者某分毫未動今見在只此扶輿有餘矣無  
勞諸公云々也耐菴之觀以此得歸劉本吏員乃能為古人事  
可敬也劉公遂昌人

大仁歸葬後復來滇中冒籍為諸生受知于左將軍吳應期前  
館祖樹勲家繼入前將軍幕變後吳命其雜髮走吉安通韓非  
有之信大仁因通馬臬司穆將軍復來河南復應期命王公貴  
人多喜之後隨入滇中授職見滇事去謀反正歸誠事覺被保  
昆明令程石門亦在其內

磁石吸錢隔碍潛通或問余曰磁石吸錢何物可以隔之猶子  
阿孺曰惟錢可以隔耳其人去復來曰試之果然余曰此何必  
試自然之理也後見一書曰蒜可以避磁石之吸錢尚未之試

楷木即今之黃連頭樹也。楷有瘻可以為器。

以柿子汁塗蟬殼而蒸之，殼皆爆炸。以漆點蟬殼上，點處皆成穴。將蟬黃自穴漏入滾湯中，為蟬粉。

鯿魚之血其色碧。漁人得雌鯿，則其雄守而不去。得雄鯿，則

雌者遠逝矣。

潮有竹蛭，狹長尺餘，而殼如蛤，味甚美。又有海豆菜，形如豆芽，菜其首如泥螺，煎醋生食，初食之適體，生癰塊，不瘡，少時即消。馬子騰云：陝西邊西番一路，西寧莊浪等處，多三腳蟾蜍，其膠可軟玉如泥。西番取蟾蜍，將眉割開，其酥皆成塊者，不待和合曬晾也。此為最佳。若中土人掐取酥漿，合麵成餅，曬乾用者，力甚薄，難取効也。

鄭公三俊，池州建德人。南京戶部尚書，轉吏部尚書，取入北京。吏部尚書以事充江寧驛使，公至南京，青衣小帽至驛前，向驛四拜而去。遂歸建德。鼎革時年九十矣，以老得不出。經略洪公之門人也。至池州，以舟迎公，公怒罵不納。其使經略大哭曰：「老師棄我矣，終不得見而去。」

崇禎季年，有言孝陵朽木甚多，恐致火災。有旨蒐艾孝陵朽木，內官因之斬伐無忌，數百年喬木盡罹斧斤。孝陵杉板沿街賤售矣，而百姓遂有皇帝伐賣祖宗墳樹之語，不祥莫大焉。

平西同墨勒根蝦取川兵至叙州府，蜀王劉文秀兵多而銳，不可當。平西兵不戰而走，至保寧。墨勒根蝦已決意去蜀矣，時郝雪海巡按四川，駐陝西境上，疏勸平西不能取蜀，更引敵兵入

秦境平西計無所出固山楊琿力持進兵議曰王威名震天下  
今退走則一旦掃地矣今日之計有進無退墨勒根蝦懼敵衆  
難之琿曰固山若卻請自退吾王獨進與敵不兩立矣遂進兵  
吳國貴尚幼血戰而前所在有功大捷平西即上疏曰臣之退  
走所以引敵出險以殲之也兵家之計不可先傳案臣書生不  
知兵事妄言搖惑衆心幾敗大計上鑒謫雪海子遼東後以  
魏環溪之薦復起楊琿字秀函明涿州指揮在山海為平西標  
下將謀畫多出于琿乞師東方皆琿往也琿子彥先字毅妹未  
亂已死其人高朗有古人風

明戶部印有三方通行印外更有戶部鹽引之印戶部茶引之  
印未知今日猶因之否



有明時凡腰玉者，輜前必用一人執朱拂以行，拂以竹為之，如今京師簪竹之制，而竹系極細，長四五尺，自上至下，皆以朱漆塗之，行風中，搖颺有聲。

賜姓之國金陵也，分兵掠上流安慶，守土之官皆逃，惟司理黃公熙績不去，非不去不能去也。兵至城下，問金陵兵敗，即解圍去。熙績以此行取入科，而世襲拖沙刺哈番。熙績福建泉州晉江人也。

明季南京人沈向為四川巴山縣令，獻賊至隔江而營，列數十里，城中人皆逃，向以病不能去，獻賊以其城小而隱不入而去，向以守土功行取為監察御史，二事絕相類。

許盛少貧賤，與母相失，貴後不知母之存亡所在，有術者江西

人召卜之曰不死可復相見也。迺記其八字而去。後遇老婦使推祿命與許母八字合且閨人也。因問縱迹果許母即走告盛而迎養之亦一奇事也。

成棟當江連橋  
孫延齡死四貞亦遷雲南偽周吳大將軍聞清兵且至退走南寧城中無主孫氏之人猶有數千城守傳將軍尚未至其時平西諸潰卒屢逼城下堅閉不納有李將軍成棟為鎗所傷死城中人懼皆難變而傳將軍前行周孝思亦至矣孝思字之邁舊林道也

崇禎二年京城被圍詔諸道勤王時范景文質公巡撫河南首提兵入援兵備楊嗣昌先行至保定保定守方公一藻見嗣昌曰京都被圍勤王之師未有至者今敵師老亦將倦歸某方練

兵秣馬思赴君父之急但望輟位下恐不勝任得公來我附驥尾此千古一時也因問兵之多寡知軍中之騎方曰破口非騎兵不可今奈何某有戰騎五百匹日夜操練令士馬相習願助公解都城之圍嗣昌大喜即深相結納撫軍至方入謁長揖不拜撫軍怒方公曰某畿輔吏禮宜如是撫軍飲容謝之嗣昌以告撫軍大奇之即偕之入援圍解力薦楊方二公于朝方後為遼東巡撫卽光孫之父也光孫字獻廷號雲窩為偽周長沙巡撫質公吳橋人其父曾為別駕

雲南徭徠挽髮時以木四五寸豎頂中為結以布勒之如獨角獸然此卽古之椎髻也

湖廣境內有一種箭桿徭婦人以箭桿橫簪于首長三四尺處

子則簪七枝，妹則簪五枝，生子後遞減至一而止。郴州亦有此一種，在柳時門人僕夫曾親見之。

○周祚，新貴州人。弘光時，兵部司官，遂家于南京，善畫竹，號墨奴。今其遺迹已貴如拱壁矣。

○弘光時，兵部職方司劉泌，戶部新餉司王燧，字子京，皆馬黨也。又有王重，字有三，士英將用以掌選，為高傑所參而止。疏中目重為狡童，藩鎮橋橫至此，從來所未有也。

東吳猶重世家，宜興推徐吳，替萬、溧陽推彭、馬、史、秋，皆數百年舊家也。宜興許氏、溧陽包氏，皆新發而欲自附巨族之後，鄉人嘲之曰：彭馬史秋包，瘡癩痲隔噪。方音徐吳曹萬許馬趙溫關鬼。方音吳人嘴角輕利，一至于此。

泉首之尸棄之水中則直立而儼水灌入腔中出沒動盪甚可畏

南都各部皆有花園凡公會宴飲于是乎在吏部名文園兵部名衍園工部名藏春園獨禮部無之後孔玉衡貞毓為宗伯時亦建園先名瀛洲會後題其名曰堪堪此二字不知何來作何解也堂聯曰咫尺恐為羞獻于羹俎豆聞之矣斯須不可去謀之野謀之邑玉帛云乎哉

潮州十里外有栖鳳亭云昔時有鳳栖于此林武陵守潮時題云十里江亭昔日鯢魚今去盡千重雲樹當年鳳鳥復來儀閣下曉雲籠樹起城頭秋月過江來衡州府署聯也江聲回石鼓日影上荒碑衡州詞林堂聯也座間只可談風月詩裏儘能

耐瘼寒呂泰士贈錢鑒濤掌選堂聯也

黔之人物尹珍已上無論已明以理學文章氣節行誼著者如  
孫應養李渭陳尚象以及王訓詹英黃紱秦顯蔣宗魯徐節田  
秋徐御伯熊文燦易楚誠張夢弼許奇申祐吳淮卣永實潘潤  
民王祚遠蔣勸善而文恭為之最黔之名宦莊躋唐蒙以前無  
論已明之清操惠政武功赫奕者如郭子章朱燮元江東之應  
朝卿王重光以及尤安禮吳訥蕭象烈成務胡宥劉大直王象  
乾吳國倫馮晉錫陳士奇王三善李雲劉錫玄郭成胡從儀皆  
今日所尸祝俎豆之者也

黔苗之先有際際火者隨武侯討孟獲所在有功云即安氏之  
祖也黔人祀侯必塑際際火之像侍立于旁

東海所屬淮安海州去岾三十里其地居人皆以魚骨為椽柱  
桌椅等物

清風嶺俗云三官大帝修道登仙處即黃淮入海之衝也

彭夏琴詠臺灣七律四首其一云臺灣絕域貢降箋舉族歸朝  
盡內遷歷授堯封千載後地開禹貢九州前人民半與魚龍雜  
郡縣全依島嶼偏四十年来空岷嶺至今始得罷戈船其二云  
當年屏甲下扶餘衝壁誰憐軼道東西市赭衣魂已渺南朝紫  
蓋事終虛帆來日本通商近邑改天興置吏初一自孫恩紛戰  
艦烽烟遶海幾邱墟其三云高華遺孽自隋朝營壘依然識舊  
標淡水雞籠難竟渡颶風屢市豈全消乘桴何意真浮海叱石  
無能遠駕橋抽詞可憐諸將士不教辛苦說征遼其四云窮島

軍需飛檄催蓆霜蒸買鹿皮來生番穰社三冬集互市洋船六月開浪嶠山形隨地盡夏門風信逐潮回荷蘭故土非甌脫窺伺將毋隱禍胎

朱媚兒秦淮倡也歸秋章光章光山東人明季進士投誠寓金陵後受秦王孫可望劄與通謀事覺被俘以尸歸其妻妾環而哭之媚兒止之曰此非哭泣時也國法叛人妻孥收入官發滿川為奴此時不早為計則耻辱狼藉更為死者羞力勸其主母并女媳妾媵等投井中媚兒獨後更堅閉前後門縱容入井死嗚呼媚兒倡也不惟能死其主且能全主母一家之節何見之明而行之決也明末士大夫愧此倡者多矣

滇南獮獍俗無文書官徵其賦先與官刻木為符以同畫當一



數百十兩錢分以長短為差。畫訖中分之。官執其半。屆期持而徵之。符合不少。遲欠也。此亦足想結絕之制矣。

六盤山在平涼之西。虎山原在平涼之北。虎山高臨城中。而六盤則轉輸之途也。圖海圍平涼。先取虎山以窺城中。次斷六盤之餉道。而平涼不守矣。

陳福寧夏人屠人子也。後為寧夏總兵。王輔臣反。畫有平涼。福以兵圍固原。不閱月不克。輔臣之子吉貞自平涼來援。內外夾攻。福大敗歸寧夏。將更練兵以圖再舉。兵變為其下所殺。嗟乎。輔臣于斯時不能北聯寧夏之叛卒以斷河西之聲援而坐守平涼以待斃。此實不可解也。

偽周授王輔臣陝西東路總管。平遠大將軍。授張勇陝西西路

提管平遠大將軍

廣東韶州府乳源縣有地曰梅花潦水峻險不與外通居人數百千家有張御二老爲之主皆聽其指揮二老明季諸生鼎革後不雜髮據險自守官不得入而租賦輸納不缺這呼者山下這呼之總祖而下如數不少久平西之變胡國柱過乳源二老以野服見事定後二老已死矣衆以地歸朝廷朝廷以其地建置花縣屬廣州府今人所謂梅花洞者即其地矣產良馬

○簡爾泰雲南諸生李定國入滇闡爲內侍後入吳三桂宮中以能鑒古得幸雲南平取入京今亦爲上所用

○弘光元年鄭鴻逵守鎮江時北兵將至淮揚瓜埠士民舟載家口將渡江避難者甚衆鴻逵以巨礮碎其舟露布中外以告捷

六科在朝內六部皆用平行手本紅印蓋紫粉印不可行之于朝內也其體統尊嚴如此此明時之制也未知今日何如耳

吳李解魏為興化四大族

興化士人凡應舉者必醵分延道眾誦經禮懺以為祈禱亦可笑也

彭秋水在祿勛時獵以虎獻剖之有胎胞形如藕而三節剖視有三子焉方二寸許尾與身等眉目諸形皆未具而瓜牙先生其威之所在有獨異也

秋水云有一土巡檢人言其常變形為驢入山已復為人秋水曾見其人痴呆了云

馬子騰云鵲鷄皆蝦蟇所化也

臺灣知縣某閩人聘之入簾過海為風颺至香山廣人送之還閩蓋庚午科也

自桂林至思恩府歸順州交趾路程桂林府陸路西南行五十里至思橋上船西南永豐縣又西南容縣牛擺象州從此正西則全河上柳州若自象州南則為黃龍江至白沙起旱南行經武緣上林還江三縣地至賓州又南至思恩府自思恩府而南經田州向武泰康上應果化歸順又南二百里即交趾界自思恩府西南行為泗坡州路自上林縣轉東南經固龍關為南寧路

歸順土州東界鎮安西界泗城北界果化南界交趾

彭秋水堂聯云向平婚嫁貧中畢庾信文章老更成亦佳集也

黃仲霖參馬士葵召對歸署以白紙大書于門曰得罪權奸命在旦夕諸客賜顧門官一概稟辭

黃斌卿閩之漳州人崇禎十七年破家募兵勤王行至山東聞北都已陷至南京錫以鎮南將軍印鎮蕪湖後方國安至馬士葵欲奪其印以與國安以關防易之斌卿上表送印于朝散其衆而歸

馬錫士葵之子也為禁軍提督大兵渡江梟其首于市留都六部以大司馬為第一班在冢宰上西班牙領親國公獨出一席領班親國公前有小羊角燈一盞校尉執之以為與拜之節與則燈起拜則燈下不獨鴻臚寺鳴贊之腔唱也。想北都亦應爾矣北都領班則朱成國云

留都拜牌在禮部堂上故宗伯堂署獨大百官皆由後門入烈  
皇帝發喪舉哀亦在禮部

由衡州至廣西桂林府旱路衡州南九十里排沙南九十里邛  
陽縣南一百一十里永州府西南九十里黃沙河西南全州西  
南畛牌再南與安縣再南三十里鹽官再南臨州再南六十里  
即桂林府由衡州之廣西桂林府水路衡州府南由松柏司  
八枋河洲歸陽黃楊司冷水灘木瓜埕湘口轉而西南由石縣  
站江口在東安縣北余塘全州界牌遇分水塘興安縣大沿江臨川縣  
正南即桂林府也 由桂林而南為平樂府又東南為梧州府  
又東南即廣東界 自湘口正南經永州府道州江華縣永明  
縣至廣西界

何光顯金陵諸生何遵之後也遵有專祠曰廉直光顯平日與馬士英有隙弘光即位光顯知不免即上疏劾奏士英枷示于市以瓦鉢合頭而死

常開平之後世襲定遠侯明季常某奉烈皇帝旨冊封海外某國王及歸復命則弘光帝已即位于南都矣未幾即上疏特奏馬士英免為庶人國朝兵至以此得免于北即以南門外常家莊菴中薙髮為僧人獨呼為常太爺云開平可謂有孫矣莽在太平途中當訪其名暨法號

弘光帝至南京即位于內宸監蓋大內諸宮殿雖存而頽敗不可居也即位後始建武英殿上所居日興寧宮太后所居日慈熙宮其額皆王孟津所書

園

○弘光時提督禁軍太監李國輔秉筆司禮太監韓贊周也。

永寧府已為西夷攘去久矣，而銓部尚注選人，同知無任可到，駐北勝州，以待陞調。

袁九敘撫滇時，丁外艱歸，輜園用白氈，或曰昔某公遭艱歸，于輜頂之中為一小龕，奉紙位一載而行，九敘將用之。一友曰：公非宗子，神所依之主在六完老先生所，若公復奉一主，是神有二矣。此禮惟長房長子得行，公奔走可也。九敘拜而謝之。

雲南武定府城西北有師子山，形如師子，即蒙氏五岳之東岳也。武定城正員當師項下，形家目之曰師子繫金鈴，山有寺曰正續，相傳建文帝駐錫處也。彭秋水牧祿勸時，林武林亦夜河曲，同游正續，彭有詩四章，林和焉，皆一時絕作也。彭一聯云：蒙岳



千年傳帝釋，孝陵坏土憶王孫。林一聯云：豈是勾吳披髮去，翻令同泰捨身來。只此一聯，妙絕千古矣。

潮州提制劉進忠，號劉猴兒。甲寅之變，進忠納款鄭氏，封平曰將軍。尚之信伐之，為其所敗。後漳州府同知林學杭往招降之，林以此升潮州知府。

貴州章爾佩，故相馬士英之婿也。字靈藥，起家孝廉，為潯江太守，以循良稱。平西問曰：爾有何善政得此于民哉？對曰：豈有他異，不過與民相安耳。州縣之吏親民事，催科聽斷，安能悉孚人意？即有善政，得譽亦難。太守稍遠于民，旬無大害于民，易于見惠與民相安人，即循良目之矣。平西語人曰：此長者之言也。其後必昌。未幾，其子革冠貴省軍。爾佩嘗謂人曰：弘光時，身在南

京忽思家而歸，以此得免。若北兵至時，猶在白門，必為百姓之所菹醢矣。

陝西固原之北，寧夏之南，有灰鹽堡，井中出鹽，築地為池，方一二丈，築而平之，四圍築土為小隄，輓井水灌池中，經夜放去，鹹水池中鹽皆成白牙，有盈尺者，味佳美，不待煎也。有鹽茶廳，董其務。

秦州鹽出山溪泥淖中，民取煎之。

雲南琅井在昆陽州，白鹽井在姚州，黑鹽井在楚雄，皆有提舉司，井皆在萬山中最下處。溪河之中，鹹水衝突而起，如濟南之跪突泉，然即其處斃石為井，繚之以欄，覆之以亭，構橋以通來往。環溪數千家，皆鹽戶也。每擔鹹水稅若干，有司出入皆烙桶。

指

以印而稽之。又有甯井，水煎之皆硝，羅羅飲此水以下飯。川北鹽水，民所開也，深數百丈，堪輿指示其處，損數千金以從事，井徑三尺許耳。若不得則傾家矣。百丈而反，泉猶幸甚也。用轆轤牛轉取之，亦甚難。川東鹽井取之較易，且有火井以助煎。熬貴州所食者皆川東之鹽也。

襄陽府至陝西商南縣，襄陽府水路九十里，半扎店一百四十里，小江口，灣船處名沙陀營，西北由漢江一百二十里至均州，又一百八十里至鄖陽府，北行入小江，即淅水也。六十里至李官店，八十里至淅川縣，一百二十里至荆子關，二十里至梳洗樓，陝西界矣。一百里至徐家店，一百一十里至竹林關，一百里至龍駒寨。淅川縣南至李官橋八十里，北至梳洗樓一百二十里，邊河為

縣河西皆楚地，從間道至鄖陽府一百二十里，至均州一百二十里，均川至鄖陽亦一百二十里，均州至武當山頂一百二十里，淅川縣西南行六十里至火龍觀，六十里至均州，又一路四十里至稻田坪，四十里過賽廟至青塘，四十里至均州，路稍寬大，又一路九十里至李官橋，三十里至堯子口，六十里至均州，乃大路也。

襄陽府西北九十里太山廟，九十里近鄖州，州在平陸，其西百餘里皆山河路崎嶇難行，西北乃入內鄉，過土嶺，猶寬平可行，車又往路西北行九十里至章散集，九十里至淅川縣，不必由內鄉縣，自鄖州西北一百二十里為內鄉縣，六十里丹水，五十里巡檢司，一百二十里勉，門關六十里花園關，東北去九十里。

黃沙九十里灘河腦九十里盧氏縣九十里永寧縣自花園關西北六十里商南縣徐家店在縣西四十里商南縣北五十里武關山路崎嶇一百二十里龍駒寨西北一百六十里雒南縣北九十里商州

茹紫庭曰余癸酉泛舟之役在鄧問華陽人孟姓逃荒自潼關西十里銅峪由老君川至雒南縣來雒河由洛南盧氏永寧伊陽洛陽至黑石河入黃河小船載四五十石由府城西上七八十里至伊陽縣水長時洛南山中木排下水梁意漢川龍首渠自微引路至商顏下岸善崩乃鑿井于井下行水即此地而龍駒即龍渠之誤也但微為今澄城縣達隔渭水俟再考

襄陽府至均州所屬小江口二百八十里大江直西往鄖陽府

路萬山茶等共二十七灘去小江口不遠南為穀城北為光化縣舡長三大湖六尺可載百石春水漲可用百五十石舡小江口淅川縣南渡河一百六十里內太白官方殷家別堰子白兔灘為險端工等四十四灘自小江口數至蜂兒巖為第七灘係內鄉縣界有界河又九灘為楊家壩係淅川縣界又至南馬蹬有板橋河水自東北注之去淅川三十里淅川縣至荆子關一百零五里至梳洗接二十里有月兒巖係商南縣界虎窩等六十二灘自虎窩灘數至滔河口為第十五灘又十九名黃河灘為小黃河平淺多淤沙淅川至荆子關所用扒舡長二丈餘寬三八每舡載米十五石夏秋二十石荆子關至陝西商南縣所屬徐家店一百一十五里有王家淺等八十二灘有

大連灘廂溝長樂猴兒石背陰灘猪槽灘五龍灘炭溝侯家算  
白石草長八龍龍虎諸灘俱最險徐家店西北數里有香油河  
水自洛南劉坪溝流入此處每船載米十石春夏可十五石  
徐家店至商州龍駒寨二百二十里有大澗宿溝等一百七十  
五灘內大賈峪溝大柳樹灣一連五灘大桑園一連七灘小鷹  
石五灘大鷹石四灘屹峪嶺五灘共有三十餘灘石大灘險難  
行自大宿澗數至武關河口共四十四灘有武關河水從洛南  
亂庄流入又過二十灘至背峪河大周灘有背峪河水從商州  
八里陂流入又經開峪河四灘有開峪河水從商州喬家陂流  
入又過四灘至稻田河灘有稻田河水從木剗溝流入又過六  
灘至桃花嶺灘為商州交界又過九灘至銀花河龍嘴四灘為

竹林園有銀花河又過四灘為大桑園七灘以上總計百灘又  
七十五灘為龍駒寨北夷船上載石春夏水大可十石徐  
家店至龍駒寨有師婆灘瓦灘此塔灘同家灘朱泥溝王家塹  
皮脖子大象園孤山蘇溝口鷹石灘骨屍峽湘子灘長灘毛家  
別張家別曹口灘雞兒關為最險難行浙川縣至荆子園有  
風嶺娘娘廟摩民灣貨家坡老虎灘即針田寺亂石灘卽市溝  
百神廟黃河灘黃河灣八龍廟蓼兒灘石羊灘吳村灘龍泡灘  
為有名

正月廿四日  
杜十修  
卷四  
二月十一日  
三